



सानसेयारि "बड'सा" खौरांलाइयाव अमाज्यादि जिज्जो लोब्बा थानाय रायथाय, अन्थाय, अल', अल'बाथा आरु दावबायादि थावनि, पार्क बाइदिनि सायाव लिन्नाय लिन्निदां दैथाय हर/ सानसेयारि "बड'सा" खौरांलाइया खेबखानावै फोस्त्रावगोब/

बड'सायाव लिन्निदां हुदा अलाम्, "बड'सा" खौरांलाइया, जौ बयबो आंगो अलाम्।

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Tuesday ★ 21 January, 2025 Kokrajhar, BTC, Assam ★ Vol.-33, Issue No.292 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

## सिउल रड श्व 'आव गिबि मन्थि ड० शर्मा एडभान्टेज आसाम 2.0 जथुम्मायाव खोला करियानि थिसनगिरि आरो उद्यगगिरिफोरखौ खावलायबोदों गिबि मन्थिआ

दिसपुर, 20 जानेवारी: खोला करियानि सिउलआव खुंनय रड श्व 'आव बाहागो लाहेनानै गिबि मन्थि ड० हिमन्त बिश्व शर्माआ फेगो 25 आरु 26 फेब्रुवारीआव खुंनो गोनां एडभान्टेज आसाम 2.0 गुदि बिथा आरो थिसन्थाय जथुम्मासिम खोला करियानि उद्यगगिरि आरो फालांगिरिफोरखौ खावलाय। राइज्योआव खुंनो गोनां एडभान्टेज आसाम 2.0 गुदि



बिथा आरो थिसन्थाय जथुमजों लोब्बा लाखिनानै सिउलआव दिने खुंनय मोनसे गिदितथार रड श्व 'आव बाहागो लानानै गिबि मन्थि शर्माआ मि जि थि था व न। थिसन्थाय गिरिफोरखौ हांखायहरनानै आसामनि बुहुमखौराडारि थाथाय, सोलोआरि मिजिथि थानाय आरो फालांगियारि राहा खाबुफोरनि (□ 6 बिलाइआव)

## कक्राझारआव बड'लेन्ड स्पर्ट्स मिट-3.0 गेलेमु बादायलायनाया जागायबाय

बिटिआर हालामनि मोजां गेलेगिरिफोरनो आयं चानक्य ब्रह्म बान्था आरो कनकेश्वर नार्जारि बान्था होनाय जागोन: प्रमद बर'



कक्राझार, 20 जानेवारी: सोलिफु बिटिआर सरकारआ बिटिआर हालामाव गेलेमुनि मोनसे जांखिथाइ लाबोनायनि असिलायै थानाय 4 बोसोराव मोनसेनि उनाव मोनसे गेलेमुनि ओन्सोलारि, राइज्योआरि आरो माहारियारि थाखोनि गेलेमु बादायलायनाय खुंबोबाय थादों। बिटिआर हालामनिफ्राय बांसिनै गासै गेलेमुआवनो ओन्सोलारि, राइज्योआरि, माहारियारि आरो

हारिमायारि थाखोनि गेलेगिरि सोरजिनानयनि थांखिजों प्रमद बर' दैदेनाय सोलिफु बिटिआर सरकारआ थाद'नाय गैयै गेलेमु हाबाफारि लाबोनाय बायदिनो बिटिआर सरकारनि गेलेमु आरो लाइमोन अन्साइनि बान्जायनायाव बड'लेन्ड स्पर्ट्स मिट मुनि मोनसे गेलेमु बादायलायनायखौ थानाय माखासे बोसोर सिगांनिफ्राय खुंबोदों। सिगां बोसोरफोरव (□ 6 बिलाइआव)

## ड० बिआर आम्बेदकार फाहामथाय आरो पेरामेडिकेल इन्सटिटुटखौ जिल्ला खुंथाया चील खालामबाय



कक्राझार, 20 जानेवारी: नांगो जानाय गोनांथिफोरखौ गनायथि गैयालासेनो कक्राझारआव सामलायबाय थानाय ड० बिआर आम्बेदकार फाहामथाय आरो पेरामेडिकेल मुनि फसंथानखौ दिने कक्राझार जिल्ला खुंथाया बन्द खालामनानै होयो। कक्राझार पुलिस थानानि मावफारियानि हेफाजाबाव मावफुं मेजिस्ट्रेट धुबज्यति दासनि दैदेनायाव बे हाबाफारिखौ मावनाय जायो। बे गनायथि लायै फसंथानखौ बन्द खालामनाया राइज्योनाडै (□ 6 बिलाइआव)

## गुवाहाटीआव इडबिपिएफ आफादनि मावखुलि गायसन्दों



गुवाहाटी, 20 जानेवारी: गुवाहाटी नोगोरमायाव थानाय समाज, थुनलाइ, हरिसुआरि मावखुलिनि लांगोनायाव बर' कछारि वेलफेयार अटनमास काउन्सिलनि गोदानै जोनोम मोन्नाय इडबिपिएफ आफादनि अन्थाइ खाम्फाखौ गायसन्नाय जायो। मख'नो गोनांदि, बे अन्थाइ खाम्फा गायसन्नाय हाबाफारियाव गुवाहाटी बियाबनि बिजेपि दोलोनि एमएलए रमेन्द्र नारायण कलिताआ इडबिपिएफ आफादनि अन्थाइ खाम्फाखौ गायसन्ना होयो। बिथाड बुजेदि, बिकेडब्लिउएसिआव गोदानै (□ 6 बिलाइआव)

## गोजोन-खौसेथिनि थाखाय उदालगुरिनिफ्राय गहपुरसिम ब्रह्म धर्म आफादनि बाइक रेलि

उदालगुरि, 20 जानेवारी: आध्यात्मिक मोन्दाथिजों गोजोन गायसन्नाय, समाज फोसाबनाय, बिदा-फंबायनि गेजेराव अनलायनायखौ बांहोनाय बायदिखौ लानानै गोबांथार नंगुबै कर्मनि बिदिथि होबोनानै फेनाय मख'जाथावना (□ 6 बिलाइआव)



## हादतखौ सोमावग्लुंनय आर जि कर मेडिकेल कलेज जाथायनि दायनिगिरि सन्जय रयखौ जिउ जोबजासे जोबथेसालिनि साजा होबाय

कलकाता, 20 जानेवारी: थानाय 2024 माइथायनि 9 आगस्टआव कलकाता आर जि कर मेडिकेल कलेजनि सेस्ट मेडिसिन बिफाननि सेमिनार हलआव बोखानो मोन्नाय जादोंमोन 31 बोसोर बैसोनि आइजो फाहामगिरिनि गोथे देहाखौ। बेनि सानसे सिगां 8 आगस्टनि हरनि डिउटिआव थानाय फाहामगिरिखौ जिनाहारि खालामनानै बुथानाय जाथाया दुलाराय हादतखौनो सोमावग्लुंलांदोंमोन। दिने बे हादत सोमावग्लुंनय आर जि कर जाथायनि दायनिगिरि सन्जय रयनि साजाखौ बिजिससालिया फोसावबाय। कलकाता शियालदह बिजिससालिया आर जि कर मेडिकेल कलेज जाथायनि दायनिगिरि सन्जय रयखौ (□ 6 बिलाइआव)

## हाग्राजुलि बियाब दुलाराय बाथौ गौथुमनि रुफाथि माइथाय फोरबो फालिथाइ, लोगोसे खुंगा 8थि थाम बोसोरारि जथुमाया सोलिगासिनो

ढेकियाजुलि, 20 जानेवारी: सनितपुर जिल्लानि सिडाव थानाय हाग्राजुलि ओन्सोलनि सं बोराय फोथाराव 19, 20 आरु 21 जानेवारी खालारखालि सानथामनि हाबाफारिजों हाग्राजुलि बियाब दुलाराय बाथौ गौथुमनि रुफाथि माइथाय फोरबो आरु खुंगा 8थि थाम बोसोरारि जथुमाया



सोलिगासिनो दं। दिने नैथि सिबिनायजों खोमसि साननि हाबाफारियाव फुंबिलि फोथायनाय आरो समाजनि आर'ज आरु "बाथौ दोहोरुम गुलाय गुजाय आसार खान्थिखौ (□ 6 बिलाइआव)

बोसोनो हायो" आयदानि सायाव गुवारै सावरायनाय जायो, बेनि उनाव बाथौ (□ 6 बिलाइआव)

## जिल्ला खुंथायनि होबथानायखौ नेवसिनाय डाम्पारखौ लानानै बासुगावआव मोनै हान्जानि बुलाय-सोलाय



बासुगाव, 20 जानेवारी: मैया रबिबानि हराव बासुगाव सहर गेजेरनि लामाजों बाला-अन्थाइ रोगनाय डाम्पार ड्वाइभार आरो डाम्पार बिगोमाजों जायगानि मोनसे लाइमोन हान्जाया बुलाय-सोलायाव नांथाबो। डाम्पार ड्वाइभार आरो बिगोमानि बुनायाव जायगानि साब्रै लाइमोनफोर जोखोम जायो। (□ 6 बिलाइआव)

## मिरु दुलाराय बाथौ महासभाआ गोथार बाथौ सान खुंगोन

भवानिपुरनिफ्राय राजिब तालुकदार, 20 जानेवारी: बाथौ सिबियारिफोरनि गोथार सान 'गोथार बाथौ सान' सानखौ फेगो 28 जानेवारीआव दुलाराय मिरु बाथौ महासभानि बान्जायनायाव तामुलपुर जिल्लानि जामगुरियाव बाथौ महासभानि मिरु आफादनि गाहाइ मावखुलि 'बा-राजा (□ 6 बिलाइआव)

## बिपिएफ दोलोनि 6थि थाम बोसोरारि जथुम्माया जोबलांबाय बिटिसिआव राजखान्थि दोलो हिंसाबै बिपिएफआ सेथि, बिजेपिआ नैथि, इडपिपिएलआ थामथि आरो ब्रैथिआव कंग्रेसआ दडः हाग्रामा



बेंटल, 20 जानेवारी: बिटिसि हालामनि गुबुन मोनसे गोहो गोर ओन्सोलारि राजखान्थि दोलो बड'लेन्ड पिपुल्स फ्रन्ट सुंद'थै बिपिएफ दोलोनि 6थि

थाम बोसोरारि जथुम्माया साननैनि मेहेरगोनो हाबाफारिजों जोबलांबाय। 6थि थाम बोसोरारि जथुम्मानि गिबि सान थामहिनबा 19 जानेवारीखालि कक्राझारनि आर'नाइ कमप्लेक्सआव दोलोनि सिडब्लिउसि सोद्रोमाफोरनि थान्दै मेलआ खुंफुं जादों। बे समाव बिटिसि हालामनि सिडब्लिउसि थान्दै मेलनि (□ 6 बिलाइआव)

## गसाइगावआव मै बेदरजों लोगोसे सानै मैहर खालामग्राखौ हमदों

गसाइगाव, 20 जानेवारी: बिटिसिनि गुबुन मोनसे मिथिगायारि सम्पद राइमना नेसनेल पार्कखौ रैखाथि खालामनारनि अनगायै माखासे दुथांफोरा बे हाग्रानि जिब-जुनातफोरखौ मैहर खालामनारनिफ्राय जानगराव थायाखै। सम आरु खाबु लानानै ओन्सोलनि माखासे मैहरारिफोर राइमना हाग्रानि बेसेन गोसा (□ 6 बिलाइआव)



## उदालगुरि जिल्लानि राइज्योनाडै सोमावग्लुंलांनय माजबात जिनाहारि जाथायनि राय होबाय

सा 5 लांसुनिया जुनात आखुनि जिनाहारि खालामग्राफोरखौ जिउ जोबजासिम साजा



उदालगुरि, 20 जानेवारी: थानाय 2024 माइथायनि 22 जुन अक्टखालि टिसननआव थानाय सासे फरायसुलिखौ सा 5 लांसुनियाफोरा हान्जायै जिनाहारि खालामदोंमोन। बे जाथायनि गाहाइ दायनिगिरि (□ 6 बिलाइआव)

## गेलेमुनि फार्से गोसो गुदुं लाइमोनफोरनि थाखाय गोजोन्थाव खौरां कक्राझारनि साइ फोरोंथाइ मिरुआव गेलेगिरिफोरनि सायख' बाद खुंनो साखा-फारा

कक्राझार, 20 जानेवारी: बिटिआर हालामनि गेलेमु फार्से गोसो गुदुं लाइमोनफोरनि थाखाय मोनसे गोजोन्थाव रादाब। कक्राझारनि कातालगुरिआव थानाय स्पर्ट्स अट'रिफिट अफ इन्डिया

फोरोंथाइ मिरुआव गेलेमु फार्से गोसो गुदुं लाइमोनफोरनि थाखाय लानानै फेदों मोनसे मोजां खाबु। सिगां समफोरनि बायदिनो बे बोसोरारि कक्राझारनि साइ फोरोंथाइ मिरुआव 2025-26 बोसोरनि

थाखाय गुबुन गुबुन गेलेमुफोरनि सायख'बादा खुंनो थांखि लानाय जादों। कक्राझार साइ फोरोंथाइ मिरुआ मोनसे फोसावथाइनि गेजेरजों मिबथि होनाय बायदिब्ला, 28 जानेवारीनिफ्राय 31 जानेवारी, 2025 अक्टसिम गुबुन गुबुन गेलेमुनि सायख'बादा खुंनो साखा-फारा जादों। कक्राझारनि कातालगुरिआव थानाय बे साइ फोरोंथाइ मिरुआव फेगो (□ 6 बिलाइआव)

### सुजुगिरिनि खोलोम

## दाव-हांसो फिसिनानै रां खामायनो हायो, थानानै थानायनिबो राहा फैयो

आबादयानो बर'फोरनि थाना थानायनि गिबि आरो गुदि फुंखा। आबादिन अनगा सादा-बुसा मावदामब्लाग्रा गामियारि बर'फ्रा गुबुन माबा मोनसे मुलाम्फायारि गोनां खामानि दामानि मावनानै रांखान्थियारि बिथा फसंथानो आरो आबादखौनो गुबै राहा हिसाबै लायोब्लाबो गोनुखोयारि आदोबजों आवगायनो हाद्रायारखै। अब्लाबो बुंनंगोन बर'फ्राबो आथिकालाव-फालांगिरि,मोजां आबादारि दंसै। फालांगिरिफोरनि बाश्राखौ राखाडबालानो मिथिंगायारि फुंखानिफ्राय मोन्नाय माखासे खाबु आरो देहानि बोलो बाहायनानै मावसोमनायनि गेजेरजों गामियारि रांखान्थिबोबो गुस्लायनाय लाबोनो हासै। मुलाम्फायारि जानो राहा दंसै। बेफोरनि गेजेरव ना आरो हांसो-दाव फिसिनानो मोनसे। गुबैये ना आरो हांसो-दाव फिसिनानि मोजां समानो जादों दैज्जां बोथोर। दैज्जां बोथोर सौफेब्लानो गामि ओन्सोलनि गोबां हाखर-हाला, गरखाय-दंग्रन अखानि दैजों दानब्रै-दानबासिम आबुं लोमनानै थायो। बेफोर एरेनो गोसलैसनानै थानाय हाखर-हालाफ्राव समबाय हिसाबै एबा गावयारि हिसाबै बोथोरवनो ना फिसिनो हागौ। ना-जों लोगोसे जावजा आबाद हिसाबै हांसो फालोबो फिसिनानि राहा खालामनो हायोब्ला रांखान्थियारि फुंखाखौ एसे एनै बांहोनानि मिजिं खालामनो हागौ। दैज्जां बोथोरव थि बेंखनथानि गेजेरव दोन्नानै हांसो फिसिनो लायोब्ला दैयाव थाल्दानाय-साम'-खांखाइ, गुमा, बायदिसिना एम्फौ-एनलाफोरखौनो गोजोम-गोजोम जानानै थानो मोजां मोनो हांसोया। जाउनाव गोबां आदारनि गोनांथि जाया। बिबिदोनो हाखर-हालानि फोसाब्रडैहाग्रा-बंग्रा, दाखोर-दालाफ्राबो ना फिसिनानाय गोबां मदत खालामो। नानि थाखाय फोसाबै हाखर, गरखायफ्राव गोबां आदार नांगौ जानानै फैया। मानो होनोब्ला बेफोरव नानि थाखाय गोबां आदार ज' जानानै थाखायो। बेखायनो बेफोरखौ सिगां नोजोर थिग्रोनानै मोजां आरो गोमो जोलैनि ना फुवान आरो हांसो जोलै ज'गानानै फिसिनानि बे गोले राहाजों बाडाइ खरसा आरो बाडाइ समनि गेजेरवनो गरफा-गरनै खामायनानि लामा ओंखारो। गोले दिखुरा हांसो फिसानि थाखाय ना फिसिनानि बादिनो सोरगिदिं जेवरानि गेजेरव सम सम आरो बाइजोयावबो सम लानानै हगारलाय-थिसनलाय खालामना होनानि राहा लायोब्ला गोखै देरनो बोलो मोनो। आथिकाल ना-बेदरनि साहिदा बांनय आरो बारायगलाबनय बेसेनखौ नोजोर होनानै ना-हांसो फिसिनानि रांखान्थियारि बिथिडै गोखों जानो हायैनि बाश्रा फैया। नाथाय बेफोर आबादजों गोबां मुलाम्फा जायै आ सैथो, नाथाय बेकारफोरनि थाखाय साखि-बाखि जासान्दि आखायनि खरसा फैनायाबो सैथो।

आथिखालाव रोजा-रोजा बेकारफोरखौ सरकारी मावफारिया थिसनानै जेनाखौ सुफुंनंगौया गोब्राव होनानै नुहरखानाय। बे बिथिडै सरकारी मावफारियाखौल' नेनानै थास्लायसाय बाडाइ सम आरो एसेल' खरसाजों गोले गोले बिथिथि लानानै रां खामायनानि राहा लानानै सरकारी अनुसुथाय मोन्नायनिबो सरकारी मावफारिया, बिबानगिरिफोरजों सोमोन्दो लाखिनया गोनांसे।

## दिनैनि फान्जामुथि

**राशि बाइदियै मुनि गिबि हांखो**  
**मेघ :** अ ल **बुध :** ऊ ब (उ ए इ) **मिथुन :** क छ (ड घ)  
**कर्कट :** ड ह **सिंह :** म ट **कन्या :** प ट (ण ष)  
**तुला :** त र **वृश्चिक :** ब न **धनु :** ध भ (ङ फ)  
**मकर :** ख ज **कुम्भ :** ग श (स) **मीन :** द च (ख ज झ)

- मेघ:** मानिबा जाहोनाव दुखु-दाहा गावनांनय जानो हागौ। गोसो ह्यथानानै सोलिनानगोन।
- बुध:** जेखि मावनो थियंथा लाया सान्नाया जाफुंगोन। गोसोखौ गोजोन मोनगोन।
- मिथुन:** माबाफोर जेनायाव गोसलैबायनो हागौ। जैरेबो सांग्रां जानानै थानांगोन।
- कर्कट:** जेखि जाया माखौबा लानानै गिखानाय मोनो हागौ। गोसोखौ लोरबां लानो नाड।
- सिंह:** जेथिबो समाइना खालामनानै लानो हागोन। गोजोनै सम बारहोनो हागोन। मोजां सान।
- कन्या:** जेखि मावा फालांगियाव मुलाम्फा मोनो हागोन। मोजां सान।
- तुला:** गोसोआव माखौबा लानानै गिखानाय मोनगोन। गोसोखौ लोरबां खालामनानै लानो नाड।
- वृश्चिक:** सोरजोंबाफोर नासय जानाय, समन होजायै जानो हागौ। गोसो ह्यथानानै थानांगोन।
- धनु:** जेखि मावा बेफार फालांगियाव मुलाम्फा आरजिनानै लानो हागोन। मोजां सान।
- मकर:** बे राशनि थाखाय अशुभ दिन। मोजां खामानि मावनो नाड। गोसोखौ ह्यथा।
- कुम्भ:** नख'र संसार जानायव दावराव-दावसिफोर जानो हागौ। गोसोखौ शान्ति मोन्नाय नड।
- मीन:** लोगीनि दारै उपकार मोनो हागोन। गोसोखौ गोजोन मोनगोन। मोजां सान।

## उन्दैफोरनि गाहामनि हाबा मावनाया सरकारनि गाहाइ बिबान: बिरेन सिंह

इम्फल, 20 जानुवारि: मनिपुरनि गिबि मन्थि एन बिरेन सिंह आ बुंदोंदि, बिथानि सरकार आ जेब्लाबो बे नख'रि दावहाजों भुगिनांनय राइज्योआव सोलिबाय थानाय हरियारि हिंसानि जाहोनाव गुबुन गुबुन रिलिफ केम्पफोरव आश्रय लानाय उन्दैफोरनि जौगाखांनय आरो दावगालानायनि फासं नोजोर होदों। गिबि मन्थि आ कांपकपि जिल्लानि रिलिफ केम्पफोरव उन्दैफोरनि थाखाय खुंनय रंजाथाय हाबाफारिफोरखौ नुनानै गोजोन्याय फोरमायदों। लोगोसे बुंवावदोंदि, साफ्रोमबो गथ'आ गावनि आलादा गुन दड, बियो गावनि गुन गोनां जिउमा आरो



गोहोखौ दिन्थिनानि थाखाय मोनसे अन्सुं थाय गोनां आबहावानि गोनांथि दड। कांपकपि जिल्ला खुंथाया गावनि नाजानायव बाख्नायजाथाव हाबा मावदों। दासिमआव गं 34 रिलिफ केम्पफोरनिफ्राय गासै सा 1,610 उन्दैफोरखौ कभार खालामबाय। पार्क फोरव इन्टरेस्टि प्रग्रामफोर, केम्पफोरव मुजिथाव गेलेनाय आरो फुटबल आरो भलिबलनिफ्राय लानानै केराम, बेडमिन्टन आरो गुबुन रंजाथाव गेलेनायफोरखौ जगायना होनायसिम बेफोर हाबाफारि आ उन्दैफोरनि गेजेरव पजिटिभ आरो आसाखौ बांहोदों।

## टिकटक बेन जानायनि उनाव इनस्टाग्राम आ गोदान एप लाबोदों



गोदान दिल्ली, 20 जानुवारि: आमेरिकायाव टिकटकखौ बेन खालामनायनि उनावनो इनस्टाग्राम आ मोनसे गोदान एप रिलीज खालामनो थांखि फोसावदों। कम्पनी आ मोनसे गोदान भिडिअ इडिटि एप लानानै फैदों। इनस्टाग्रामनि हेड एडम मसेरी आ बे एपखौ आनवील खालामदों। अदेबानि बेनि रिलीज टाइमलाइनखौ सोराडव लाबोनाय जायाखै। नाथाय बेनि माखासे फिचार्सनि डिटेलखौ मोनो हादों। बे एप आ एरैबादि सुबुंफोरनि थाखाय लाबोजादों, जायफोर फनआव भिडिअ बानायनो मोजां मोनो। बेयाव माखासे एरैबादि भिडिअ एडिटि टुल मोनगोन, जाय इजजारफोरनि एक्सपेरियेन्सखौ इन्टरेस्टिसिन खालामगोन। मसेरी आ मिथिहोनाय बादिब्ला, एडिटस एप आ मोनसे भिडिअ एडिटि एपल' नड। बेयो भिडिअ बानायनाय आरो शोयार

खालामनायखौ गोले आरो सिमलेस बानायनायनि थाखाय डिजाइन खालामनाय टुलनि आबुं सेट। एपआव मोनसे डेडिकेटेड इनस्पेरेसन टेब, स्टार्टि आइडियाजनि थाखाय मोनसे प्लेस आरो गासैबो एडिटि टुल दंफायो। बेयो मोनसे हाइ क्वालिटी के मेराबो होयो, जायखौ मसेरी आ गावनि फोसावदिं भिडिअखौ दिन्थिनानाय बाहायदों। एडिटस एपनि जर'खा बाश्राय बेनोदि, बाहायगिरि आ लोगोफोर आरो लोगो क्रिएटरपेरजों ड्राफ्ट शोयार खालामनानै कलाबरेसन खालामनो हागौ। आइएएस एप स्टर लिस्टिनि बादिब्ला, एडिट इन फिचार्सजों भिडिअबानायनायनि प्रग्रामखौ गोले खालामो।

## जर'खा बिजिरसालिया सन्नय रायनो दिनै साजा खोनासं होगोन

कलकाता, 20 जानुवारि : कलकातानि मोनसे जर'खा बिजिरसालिया समबारखालि सरकारी आरजि कर मेडिकेल कलेज आरो देहा फाहामसालिनि ट्रेनि आइजो डक्टरखौ रेप खालामना बुथारनाय केसआव दायनिगिरि सिविक भलन्टियार सन्नय रायनो साजा खोनासंहोगोन। ट्रेनि आइजो डक्टरनि गोथै सह'खौ 2024 नि आगस्ट दानाव कलकातानि देहा फाहामसालि परिसराव मोन्दों मोन। जर'खा बिजिरसालिनि बिजिरगिरि केसआव साजा खोनासंहोगोन। बिजिरसालिया 18 जानुवारीयाव सिगाडवनो रोखा खालामना होदों मोनदि, बे केसआव मेक्सिमम साजाया थैनायनि आरो खमैब्लाबो जिउ जोबजासेनि जानो हागौ। आथिखालाव जिनाहारि आरो बुथारनायनि दायनिगिरि



केसआव रायनि हेथायै साजानि हाबाफारिया समबारखालि आबुं जागोन। नाथाय बे केसआव फोरमानफोरखौ सोलायनायनि सोमोन्दै सिबिआइनि नायबिजिरनाया सोलिबाय थागोन। सुलुडव फोरमायनाय बायदिब्ला, सिबिआइ आ जर'खा बिजिरसालिनो सिगाडवनो खौरां होयोदि, फोरमानफोरखौ सोलायनाय केसआव साप्लिमेन्ट्री चार्जिशिट थिसननाय केसआ गोलैसोना दं। सुलुनि बायदिब्ला, ट्रेनि आइजो डक्टरनि गोथै सह'खौ थानाय बोसोरनि 9 आगस्टआव फुंनि समाव सेमिनार हलनिफ्राय बोखानो हादोंमोन। बे केसनि जागायेन्याय नायबिजिरनायखौ कलकाता पुलिसनि मोनसे जर'खा नायबिजिरना टीम आ खालामदोंमोन, जाय रायखौ ग्रेप्टर खालामदोंमोन। बेनि उनाव सिबिआइ आ सानबानि उनाव बे केसखौ नायबिजिरनो आरो रायखौ सहरनि पुलिस आ मिरु आरि एजेन्सिनि बिबानगिरिफोरबो गथायो।

## मणिपुरआव गोबां बिबानि हाथियारफोर आरो गुलि बारुदनि बाखि बोखानो हादों



इम्फल, 20 जानुवारि: मोनसे अपारेसनआव भारतीय रैखथि हान्जाफोर आरो मणिपुर पुलिसनि मोनसे जुथाय हान्जाया उतखारिफोरनि अरायथा नडै केम्पखौ नायबिजिरनो आरो गोबां बिबानि हाथियार, गुलि-बारुद आरो बरेफ्रुग्रा बेसादफोर बोखानो हायो। जुथाय हान्जाया जुथाय अपारेसननि बाहागोनि महाराव रबिबारखालि कांपकपि जिल्लानि निउ किथेलमांवि पुलिसिनि मोनसे जुथाय हान्जाया ओन्सोलाव थानाय मोनसे अरायथा नडै केम्पआव गागलोबो। पुलिस आ रोखा खालामोदि, केम्पखौ सिलिखार

खालामजोबनाय जादों आरो जायगानिफ्राय मोनसे मख'जाथाव बिबांआव हाथियार आरो बरेफ्रुग्रा बेसादफोर बोखानाय जादों। बोखानो हानाय बेसादफोरव गंसे 7.62 मिमि स्नाइपर राइफल, गंभा 9 मिमि पिस्टलजों लोगोसे एखे अन्जिमायाव मेगिजनफोर, गंनै एसबिबिएल गान, थरनै 36 हेन्ड ग्रेनेड, मोन 6 गोथां गुलि-बारुद, मोनसे थियार गेसफोरबो दंफायोमोन। बबेखानि दासिमव रावखौबो ग्रेप्टर खालामनाय जायाखै आरो बोखानाय बेसादफोरखौ ओयेनारि नायबिजिरनायनि थाखाय पुलिसनो गथायना होनाय जाबाय।

## राहुल गान्धी आ सुप्रिम कर्टनिफ्राय गिदिर रेहाय मोन्दों

गोदान दिल्ली, 20 जानुवारि: सुप्रिम कर्टनिफ्राय राहुल गान्धी आ गिदिर रेहाय मोनो हादों। मिरुनि नख'र मन्थि अमित शाहनि हेथायै अपमान गोनां बिबुंथि होनायनि कंग्रेसनि दैदेनगिरि राहुल गान्धीनि हेथायै थिसननाय मानहानि केसआव सुप्रिम कर्ट आ लवार कर्टनि हाबाफारिखौ होबथायो। बिजेपनि मावसुमा नविन झा आ मन्थि शाहनि हेथायै जेना गोनां बिबुंथि होनायनि थाखाय 2019 आव राहुल गान्धीनि हेथायै केस थिसन्दोंमोन। मख'जाथावदि, झारखान्डआव सोलिबाय थानाय मानहानि के सखौ केन्सेल खालामनो दाबि दैखानाय आरज'लाइनि सायाव सुप्रिम



कर्ट आ दिने हियारि होयो। बे केसआव सुप्रिम कर्ट आ राहुल गान्धीनो रेहाय होयो। सुप्रिम कर्ट आ रन्वीनि लवार कर्टआव सोलिगासिनो थानाय मानहानि के सखौ होबथायो। राहुल गान्धीनि आरज'लाइयाव सुप्रिम कर्ट आ झारखान्ड सरकार आरो अजद होग्रा नविन झा आ नटिस फोसावदों। मख'जाथावदि, 2019 नि लकसभा बिसायख'थिनि सिगां राहुल गान्धी आ गावनि बिबुंथियाव अमित शाहखौ लानानै 'बुथाया' सोदोबखौ बाहायदोंमोन। बेखौ लानानै कंग्रेसनि दैदेनगिरिनि हेथायै बिजेपिआ मानहानि केस थिसनो।

## आसामनि नामेरिआव सन्देह' खालामथाव फलानखौ जिउ फोजोबदों



गुवाहाटी, 20 जानुवारि : आसामनि सनितपुराव थानाय नामेरी नेशनेल पार्कआव हाग्रा रैखाथिफोरनि गेजेरजों गुलि गावनायनि उनाव सासे सन्देह' खालामथाव फलानखौ गावथारदोंमोन। सुलुडव फोरमायनाय बायदिब्ला, जाय सन्देह' खालामथावफोरखौ दासिमबो सिनायनो हायाखै बिबो मै गावनाय थांखिजों रबिबार हराव आयेन बेरेखायै पार्कआव हाबदोंमोन। पेट्रुलिनि समाव हाग्रा रैखाथिगिरिफोर सन्देह' खालामथाव हाबाफारिफोरनि सोमोन्दै

मिब'थिनो मोनो। बिखौ रैखाथिगिरिफोरा होसोयो। नाथाय जेब्ला सन्देह' खालामथाव फलान आ खारनो नाजायो, अब्ला रैखाथिगिरिफोरनाव गुलि गावनायनि अनगायै जेबो अफान गैयामोन। बेनि उनाव गोब्राबै फलाना जाथाय जानाय जायगायावनो जिउ गोमायो, बेनि सिगां बिबो जेबो फाहमथाइयारि हेफाजाब मोनाखै। सन्देह' खालामथाव खौ नायबिजिरनायाव गार्डफोर मासे मैनि गोथै सह' आरो गंसे हादतयारि राइफलखौ बोखाडो। आथिखालाव बे केसखौ नायबिजिरनायिनो दं।


## मेघालय पुलिस आ सुबुं खान्थि साननि सिगां हेलमेट हाबाफारि जागायदों शिलं, 20 जानुवारि : रि-भइ पुलिस आ

मेघालय सान आरो सुबुं-खान्थि सान 2025 नि सिगां लामा रैखाथि हाबाफारिनि गेजेरजों जिल्लयाव फ्रियाव हेलमेट रानानै होगासिनो दं। बे हाबाफारिया गथ' आइजो आरो बैसो गोराफोरनि सायाव बिथा खालामदों, जायनि थांखिया हेलमेट बाहायनायखौ बांहोनाय आरो जिउ रैखा खालामनाय। पुलिस बिबानगिरिफोरा गथ'फोरखौ थांखिनानै बे मख'जाथाव थांखिखौ लादों, जुदि गथ'फोर हेलमेटनि गोनांथिखौ बुजियोब्ला बिसोर गावसोरनि नख'रफोरखौबो बेबायदि खालामनो थाखाय थुलुंगा होगोन। बेयो लाइमोनफोरनि सान्नायाव गोहोम खोखैयो। रैखाथिखौ फोसावनो थाखाय



पुलिस आ साखा खबनै गारिफोरनि थाखाय डाबल हेलमेट नेम-खान्थि आरो कारफोरव बेल्ट बाहायनायखौ नोजोर लाखिनो थाखाय 24/7 चेकपइन्ट गाइसनो। मेघालयनि गिबि राइज्योनि सशरल मिडियाआव बे थांखिखौ बाख्नायदों आरो राइज्योनि लामा रैखाथियाव सा। बे स'होनायाव बाउसोमनायनि सायाव गोनांथि होदों। बे हाबाफारिया रैखाथि इाईभिं हुदाफोरखौ बांहोनायाव मोनसे मख'जाथाव थांखिखौ दैदेनो, जर'खायै लाइमोन इयुन जोलैफोरखौ सोफानानै।

## ट्राम्पनि समाइखिरा लानायनि सिगां अस्ट्रेलिया-जापाननि गुबुन हादतयारि मन्थिजों जयशंकर आ लोगो हमदों



वाशिंग्टन, 20 जानुवारि: आमेरिका नि गोदानै सायख'जानाय हादतगिरि डनाल्ड ट्राम्पनि समाइखिरा लानाय हाबाफारियाव बाहागो लानो थानाय गुबुन हादतआरि मन्थि एज जयशंकर आ वाशिंग्टन डिडिसियाव रबिबारखालि अस्ट्रेलिया आरो जापाननि गुबुन हादतआरि मन्थिफोरजों लोगोसे जथुमा खालामो। बे समाव बिथाडा दरनै हादत आरो क्वाडजों लोब्ला गोनां आयदाफोरनि सायाव सावरयो। जापाननि गुबुन हादतआरि मन्थिजों लोगोसे जथुमा खालामनायनि उनाव बिथाड

मोन्दों। जेब्लायबोनि बायदि, मुलुगनि थासारिनि सायाव जों सावरयनानै गोजोन्याय लादों। आमेरिका नि हादतगिरि डनाल्ड ट्राम्पनि सिगां हाबा मावनाय समाव क्वाडखौ जागायदोंमोन, बेयाव अस्ट्रेलिया, भारत, जापान आरो जुथाय राइज्यो आमेरिका आ दंफायो। आथिखालाव आमेरिका नि कंग्रेसनि गेजेरजों मार्क रुबियखौ आमेरिका नि गुबुन हादतयारि मन्थि महरै समाइखिरा लानायनि उनाव हासिमयारि जथुम्माफोरा गोदान लामा मोनगोन। सुलु'नि बायदिब्ला, रुबिय आरो गोदानै सायख' जानाय हादतगिरि ट्राम्प आ भारत-आमेरिका नि सोमोन्दोफोरखौ जौसिन थाखोआव लांनयखौ गुदि-बिथा होदों। रुबिय आ गुबुन हादतयारि मन्थि महरै समाइखिरा लानायनि उनाव जयशंकरजों लोगोसे गिबि खेब सावरनायखौ लानानै गोसो दुंदों।

# मेघालयआव केएडसएडिसि बिसायख 'थिनि सिगां कंग्रेसआव गोबां अन्जिमानि सुबुंफोर हाबनो थियारि

शिल, 20 जानेवारि: मेघालयआव खासि हिल्स स्वायत्त जिल्ला परिषद(केएडसएडिसि) बिसायख 'थिनि सिगां उमराय बिसायख 'थि ओन्सोलनि सुबुंफोरनि फरम (इडसिपिएफ) नि गोबां अन्जिमानि सोद्रोमाफोरा मंगलवारकालि कंग्रेस दोलोआव



हबनो थाखाय थियारि जादों। बे थाखिखौ बारा' इडसिपिएफ सोद्रोमा एमडि सियेमनि बावैसो समाव फोसावनायनि उनाव लानाय जादों, जायखौ उमराय बिसायख 'थि ओन्सोलनि थाखाय कंग्रेसनि बिजाथि महरै मुं थिसन्याय जादों। मेघालय राइज्यो कंग्रेस कमिटी (एमपिसिसि) नि मावफुं आफादगिरि पिन्शंगेन

एन सियेमनि बादिब्ला, इडसिपिएफनि सोद्रोमाया खावसे महरै दोलोआव हाबगोन, जायजों उमरायआव कंग्रेसनि खाबुफोरा गोखों जागोन। सियेमआ दाबि दैखानाय बादिब्ला, कंग्रेसआव बेखौ सावरायनाय समाव इडसिपिएफ मावफुं कमिटीनि सा 32 सोद्रोमाफोरा नुजाथिदोंमोन। बेनि गेजेरजों उमरायनि बारा' एमएलए जर्ज

## आबादारिफोरा फसल बीमानि क्लेमखौ फननि गेजेरजोंबो खालामनो हायो

गोदान दिल्ली, 20 जानेवारि: रबि फसलफोरनि बीमा एवा इन्सुरेन्सनि थाखाय आर'ज गावनाय अक्टआ जोबनायनि उनाव आथिखालाव माखासे आबादारिफोरा क्लेमखौ मोनो थाखाय जिगा सिदों। इन्सुरेन्स एजेन्सिफोरजों लोब्बा थायान जे'ना एवा बेले-बेजे खालामनायनि अजदआ सा न फ. ो म बो बिबानिगारिफोरनि सिसम फेगसिनो। मिरु सरकारआ बेफोर जे'नाखौ सुखानो नाजागसिनो। आबाद आरो आबादारिफोरनि थाखाय टल फ्री हेल्पलाइन नम्बरबो फोसावदों। कृषि रक्षक पर्टेल, चेट बक्स आरो क्रप इन्सुरेन्स एपआ सिगानिफ्रायनो एक्टिभयै दड। मख'जाथावदि, प्रधान मन्थि फसल बीमा यजनाआ फिसा-फिसा एवा सिमनाजों नाजाबनाय गामिफोरनि आबादारिफोरनो रंखान्थियारि रंखाथि होयो। बेयो मिथिंगायारि खैफोदजों खहा



जानाय फसलफोरनि खहाखौ सुफुडो। मिरु सरकारआ बे यजनानि समय सिमनाखौ 2025-2026 सिम बारायनानैबो होबाय। बेनि थाखाय 69,515.71 कौटि रं थि खालामनायबो जादों। गुवैरै मिथिनो थाखाय आबादारिआ सरकारी वेबसाइटआव थाना टल फ्री नम्बर 14447 आव फन खालामनो हागोन। ह्वाटएप्प चेट नम्बर 7065514447

बि लिंदहआ इडसिपिएफ टिकेटनि थाखाय नाजानायनि सिगां फावसायनायनि उनाव उदां बिजाथि महरै बिसायख 'थि गेलोनो थाखि लायो। लिंदहनि थाखिआ बै समाव फेयो जेब्ला एमडि सियेमआ कंग्रेसआव हाबो, जायजों आरोबाव सासे इडसिपिएफ दैदेनगिरि अर्थिनास लिंदहखौ नेवसिगारो। गोदाने दाजानाय उमराय डेमक्रेटिक फ्रन्ट( इडडिएफ) आ लिंदहनि बिजाथिनि थाखाय सुबुंफोरनि मदद बुधुमदों, जेराव थानाय शुक्र बारखालि मोनसे राइज्योयारि जथुम्यायव गोबां मददगिरिफोरा गावसोरनि मददखौ होयो।

# गनै सिम बाहायग्राफोरा 20 रंजों एक्टिभ खालामना लाखिनो हागोन



गोदान दिल्ली, 20 जानेवारि: आथिखालाव गंसे फनावनो मोनै सिम कार्ड बाहायग्रा गोबां इडजार्फोर दंसे। सरसनस्रायै गंसे सिमखौ नेम-खान्थि बायदियै कलिं आरो डेटा एक्सेस खालामनायनि थाखाय बाहायो। फारसेथिं गुबुन मोनसे सिमखौ गोनांथार जानाय समाव बेकआप महरै खामानियाव बाहायो। सेकेन्डरी एवा नैथ सिमखौ जोबोर खम बाहायनाय

जायो। अब्लाबो बेखौ एक्टिभयै लाखिनो थाखाय बेसेन गोसा प्लेन एवा रिसार्च खालामनागो जायो। थानाय बोसोरनि जुलाइ दानाव रिसार्च प्लाननि बेसेनफोरखौ बांहोनयनि उनाव गोबां सुबुंफोर गनै सिम बाहायनायाव गोब्राब जादों। आथिखालाव ट्राइआ गनै सिम बाहायग्राफोरनि थाखाय गोदान खान्थि लाबेदों। ट्राइ कन्जुमार हेन्डबुकनि बायदिल्ला,

जुदि सिम कार्डखौ 90 साननि बावसिन समसिम बाहायब्ला बेखौ डिइक्टिभेट होन्ना गनायनाय जायो। जुदि बबेबा सिमखौ 90 सानसिम डिइक्टिभेट थायोब्ला आरो बेयाव दासिमबो प्रिपेड बेलेन्स दडब्ला, सिमनि एक्टिभेशनखौ उफ्रायै 30 सान बांहोनयनि थाखाय 20 रं दानजानाय जागोन। बेनि अनगायै जुदि बेलेन्स गैयाब्ला, सिमआ आबुडै डिइक्टिभेट होन्ना गनायजागोन। जायजों कल खालामनाय, रिसिभ खालामनाय एवा इन्टरनेट एक्सेस खालामनाया गोब्राब जायो। डिइक्टिभेट जानायनि उनाव सिमजों लोब्बा गोनां नामबारखौ रिसाइकिल खालामनाय जागोन आरो बेखौ गोदान इडजार्नो हरनाय जागोन

## आसामनि काछरआव 1 कौटि रंनि कग सिराप आरो गान्जा जब्द खालामदों

गुवाहाटी, 20 जानेवारि: रबिबार मोनायाव आसामनि काछरआव गोबां बिबानि कग सिरापनि बथलफोर आरो गान्जा जब्द खालामदों। पुलिसनि सुलुंनि बायदिल्ला, बेखौ संगालि खौरं मोनायाव जब्द खालामनाय जादोंमोन। पुलिस हान्जाया मोनसे टिप-अफनि गेजेरजों काछरनि जिगरकल टल गेटनि खाथियाव गंसे गारिखौ लाखियो। गारिखौ नायबिजिरनायाव पुलिसआ 8,640 बथलफोरनि कडिन



फस्फेट कग सिराप आरो 2 किल'ग्राम गान्जा बोखानो हायो। बेफोर मुवाफोरनि हमदानाय बेसेनआ हारिमायारि बाजारवा 1

कौटि रं जागोन होन्ना मिबथिनाय जादों। पुलिसआ कनसाइनमेन्टजों लोगोसे सासे सुबुंखौबो ग्रेप्टर खालामदों

## आमेरिकानि संसदआव भारतीयफोरनि गोहोमा बांबोदों

वाशिंठन, 20 जानेवारि : आमेरिकानि एमपि आरो राजखान्थियाव भारतीयफोरनि अन्जिमाया बांबोनाय आरो हिन्दुफोरनि गोहोमखौ भारतीय-



आमेरिकानि एमपिआ बाख्नायदों। एमपि श्री थानेदारआ बुडोदि, गोदान आमेरिकानि संसदआव सा 4 हिन्दुफोर जायगा मोनाय गिदिर जाफुंसारनाय। आमेरिकानि राजखान्थियाव बाडाइ सुबुं अन्जिमा थानाय धोरामारि एवा हिन्दु समाज थाफानाया मोनसे माइल खुथिया। रबिबाराव प्रेसिडेन्सियल इनगेशन हिन्दु गाला प्रगामआव भारतीय-आमेरिकानि एमपि श्री थानेदारआ बुडोदि, आमेरिकायाव हिन्दु कुंफाय होन्ना बेयो दिन्थियो। हिन्दु फोलेरा इन्मेशन-टेक'लजि, हाइ-टेक'लजि, फालांगि आरो सोलंथाइनि बिथिआव जौसिनाय दं। नाथाय राजखान्थियाव हिन्दुफोर एसेबां गुवार जायगा लानो हायाखै। नाथाय आथिखालाव हिन्दुफोर खौसे जाबोहांदों। बिसोरो राजखान्थियावबो सांघ्रां जाबोगसिनो आरो सा य ख ' ज ा न ा य मावख'सिमावल' नडा गाहाइ धारानि राजखान्थियावबो मख'जाथाव बिहोमा होबाय। भारतीय आमेरिकानि हिन्दु जुथाइ आफादआ खुंनाय हाबाफारियाव एमपि श्री थानेदारआ बुडोदि, आमेरिकानि राजखान्थि आरो सुबुंखाथि हाबाफारियाव गारिबो इसेल' सुबुं अन्जिमा थानाय फोलेरनि बाहागो लानाया गोनांथार। आमेरिकानि गोहोमा जौनि गोबां फोलेरनि खौसे आरो जौनि खौसेथियानो। हाबाफारियाव आमेरिकानि हिन्दु आफादनि गाहाइ नेहाथारि आलक श्रीवास्तभआ बुडोदि, बे फोबोखौ इडएसएनि 47 थि हादतगिरि डनाल्ड ट्राम्पनि समायखिया लानाय हाबाफारिनि रंजाथाइ फालिनो थाखाय खुंनाय जादों। बे हाबाफारिया हादतआव हिन्दुफोरनि बांबोनाय गोहोमखौ दिन्थियो। आमेरिकानि संसदआव सा 4 हिन्दु एमपि सायख' जाबाय। बिसोरनो जादों, डेमक्रेट थानेदार, सुहाश सुब्रमण्यम, राजा कृष्णमूर्ति आरो र' खान्ना

**रडिया डिभिजननि विजि-1**  
सकसनाय टेलिकम गियारनि सोलिडिफिकनाय आरो सामलायनाय

टेन्डर फोसावथाइ नं.: आरएन-एसटि-21-2024-25। अक्ट: 16-01-2025। गाहायाव होनाय खामानि थाखाय इ-टेन्डर हांखावदों।  
टेन्डर नं.: आरएन-एसटि-21-2024-25।  
खामानि मुं: रडिया डिभिजननि सुभे-मैन्टिनाय आरो आलमपन-बेसिमार्नि ब्रान्स लाइनखौ लानानां विजि-1 सेक्स (डॉन्ल-पाशाता) आरो विजि-2 सेक्स (निउ बडाहाव-रंजुलि) आव टेलिकम गियार सोलिडिफिकनाय आरो सामलायनाय। टेन्डरनि बेसेन: 66,33,683.34 रं। अंशिम रं: 1,32,700 रं। टेन्डर जोबनायनि सम आरो अक्टआ 10-02-2025 नि 15:00 रिग आरो 15:30 रिगायाव जागोनो। गोबोआव होनाय इ-टेन्डरनि आबुं फोरमाथिखौ टेन्डर डकुमेन्टजों लोगोसे <http://www.ireps.gov.in> वेबसाइटआव मोनो हागोन।

फिसा-फिसा (एस एन्ड टी), रडिया सा-सान्जा सिमना रेलवे  
मिन्सुनायखौ ग्राहकफोरनि सिन्थियाइ

**आलिपुरदुवार डिभिजनआव केटारि इचनिटनि थाखाय इ-निलाम केटालग**

आलिपुरदुवार डिभिजनआव केटारि इचनिट (स्येसियल माइनर इचनिट) नि थाखाय इ-निलाम हांखावदों। निलाम केटालग नं. सि-470-एच-सिपिएडि। लट निलाम जागायगोन (गंसे लट): 27-01-2025 नि 11:00 रिगायाव। टैट इडरनि: बोसोरनि लाइसेन्सनि फिस: सान: 1826।

फा	नं	लट नं/केटारि	सुं' फोरमाथि
ए/1	21	केटारि-एचिडिने-डिइडएडस-एसएमड-19-22-1 (केटारि-स्येसियल माइनर इचनिट)	डिनाहला रेलवे स्टेसननि पिपए-1 आव साहा गला-1
ए/2	22	केटारि-एचिडिने-एचिडिने-एसएमड-96-23-1 (केटारि-स्येसियल माइनर इचनिट)	निउ कचबिहार स्टेसननि पिपए-6-7 आव जुडस बाराफ्रेस प्रुड
ए/3	23	केटारि-एचिडिने-केअने-एसएमड-79-23-1 (केटारि-स्येसियल माइनर इचनिट)	कक्राझार रेलवे स्टेसननि पिपए-2-3 आव साहा गला-2
ए/4	24	केटारि-एचिडिने-एचिडिने-एसएमड-91-23-1 (केटारि-स्येसियल माइनर इचनिट)	निउ कचबिहार रेलवे स्टेसननि पिपए-2-3 आव साहा गला
ए/5	25	केटारि-एचिडिने-एचिडिने-एसएमड-95-23-1 (केटारि-स्येसियल माइनर इचनिट)	निउ कचबिहार रेलवे स्टेसननि पिपए-4-5 आव साहा गला
ए/6	26	केटारि-एचिडिने-एचिडिने-एसएमड-94-23-1 (केटारि-स्येसियल माइनर इचनिट)	निउ कचबिहार रेलवे स्टेसननि पिपए-4-5 आव जुडस बाराफ्रेस प्रुड
ए/7	27	केटारि-एचिडिने-डिइडएडस-एसएमड-16-22-1 (केटारि-स्येसियल माइनर इचनिट)	डिनाहला रेलवे स्टेसननि पिपए-1 आव साहा गला-2
ए/8	28	केटारि-एचिडिने-एचिडिने-एसएमड-88-23-1 (केटारि-स्येसियल माइनर इचनिट)	निउ कचबिहार रेलवे स्टेसननि पिपए-4-5 आव साहा गला-2
ए/9	29	केटारि-एचिडिने-एचिडिने-एसएमड-97-23-1 (केटारि-स्येसियल माइनर इचनिट)	निउ कचबिहार रेलवे स्टेसननि पिपए-6-7 आव जुडस बाराफ्रेस प्रुड
ए/10	30	केटारि-एचिडिने-केअने-एसएमड-21-22-1 (केटारि-स्येसियल माइनर इचनिट)	कक्राझार रेलवे स्टेसननि पिपए-1 आव साहा गला-1
ए/11	31	केटारि-एचिडिने-डिइडएडस-एसएमड-14-22-1 (केटारि-स्येसियल माइनर इचनिट)	डिनाहला रेलवे स्टेसननि पिपए-2 आव साहा गला-2
ए/12	32	केटारि-एचिडिने-केअने-एसएमड-80-23-1 (केटारि-स्येसियल माइनर इचनिट)	कक्राझार रेलवे स्टेसननि पिपए-1 आव जुडस बाराफ्रेस प्रुड-2

निलाम जोबनायनि सम आरो अक्ट: 27-01-2025 नि 13:20 रिग। कुलिं अफ जागानायनि सम 30 मिनिट। साफुंसार लट जोबनायनि गेजेर सम 10 मिनिट। नायनो गोनां: गोसो गुदुं बोखोगे लागिरि विजाथिफोरा बांनि मिबथिनो थाखाय आइआरडिपिएसनि इ-निलाम फारिखान्थिखौ [www.ireps.gov.in](http://www.ireps.gov.in) वेबसाइटआव नायनो हागोन।

सेनियर डिपिएम, आलिपुरदुवार जंसन  
सा-सान्जा सिमना रेलवे  
मिन्सुनायखौ ग्राहकफोरनि सिन्थियाइ

No.NS/37/GNM Trg /2022/55

### EDUCATIONAL NOTICE

FIFTH ROUND OFFLINE COUNSELLING FOR SELECTION OF CANDIDATES FOR VOISSION INTO 1<sup>ST</sup> YEAR GNM TRAINING COURSE IN GOVERNMENT GNM TRAINING SCI IOOLS UNDER THE DIRECTORATE OF HEALTH SERVICES, ASSAM FOR THE SESSION 2024-2025.

It is for general information to all concerned candidates who appeared in the common entrance examination of GNM Training Course conducted by the Srimanta Sankardeva University of Health Sciences, Guwahati for admission into 1<sup>st</sup> year GNM Training Course in the Government GNM Training Schools under the Directorate of Health Services, Assam for the session 2024-25, that the 5<sup>th</sup> round offline counselling for selection of candidates for admission into 1<sup>st</sup> year GNM Training course for the session 2024-2025 in the Government GNM Training Schools under the Directorate of Health Services, Assam will be held on **24<sup>th</sup> January, 2025**, as per the schedule given below. Candidates applying under various reserved categories are required to produce their appropriate certificates/testimonials etc. in original issued by competent authority before the Counselling Committee at the time of counselling. The following candidates shown rank wise and category wise of merit list of CEE'2024 who have fill filled all the eligibility criteria for admission into 1<sup>st</sup> year GNM Training Course are hereby requested to appear in the offline counselling.

Candidates must bring all original testimonials i.e Mark Sheet & Pass Certificate of (10+2) examination, Admit Card of HSLC examination or Birth Certificate, Caste Certificate PRC/ Domicile Certificate, pass port size photo, and other relevant documents including Admit Card of Entrance Examination, Score Card of Entrance Examination and separate photocopies of the said documents which will be required to be submitted at the time of counselling.

Candidates are directed to visit the official website of this Directorate, [www.dhsassam.gov.in](http://www.dhsassam.gov.in) regularly for updates.

**Date of counselling: 24<sup>th</sup> January, 2025**

- All Candidates belonging to General Category upto the **Rank 981** in order of merit in Entrance Examination
- Candidates belonging to OBC/MOBC category upto the **Rank 1773** in order of merit in Entrance Examination.
- Candidates belonging to **only TGL/Ex TGL community** under OBC/MOBC category upto the **Rank 2619** in order of merit in Entrance Examination
- Candidates belonging to **only Tai Ahom community** under OBC/MOBC category upto the **Rank 1794** in order of merit in Entrance Examination
- Candidates belonging to **only Chutia community** under OBC/MOBC category upto the **Rank 4334** in order of merit in Entrance Examination
- Candidates belonging to SC category upto the **Rank 3063** in order of merit in Entrance Examination.
- Candidates belonging to STP category upto the **Rank 2249** in order of merit in Entrance Examination

**Total vacant Seats: 23**

**(Category wise distribution of seats as follows)**

**UR=2, OBC/MOBC=18 (Tai Ahom-1, Chntia-6, TGL/EX-TGL-4), SC=1STP=2**

(Rank wise seats will be allotted till the availability of seats in that particular category)

**Venue: Conference Hall, O/o Director of Health Services, Assam, Hengrabari, Guwahati-36**

**Reporting Time: 9:30 AM**

**N.B: Candidates who have appeared and already not admitted in the 1<sup>st</sup>, 2<sup>nd</sup>, 3<sup>rd</sup> & 4<sup>th</sup> round counselling need not appear in the 5<sup>th</sup> round offline counselling.**

**Janasanyog/D/11766/24/21-Jan-25**

Sd/-  
Director of Health Services, Assam  
Hengrabari, Guwahati-36

No.TECH-36/SE(B)/IFB/2024-25/12

Dated Kokrajhar, the 18/01/2025

### SHORT NOTICE INVITING TENDER

Sealed tenders affixing a non-refundable court fee stamp of Rs. 8.25 (Rupees Eight & paise twenty five) only with a validity period of 180 days, which will subsequently to be converted and drawn up in the printed F-2 form are invited from the registered contractors of Class-I (A, B, C); Class-II & III Category registered under PWD (Building) Department, Assam and Bodoland Territorial Council, according to their eligibility for submitting tenders for the work as stated below. The tenders will be received by the undersigned up to **2.00 P.M** on **04.02.2025** and will be opened on the same date & place at **2.15 P.M**.

Sl. No.	Description of Work	Approx. Value (Rs.)	Class	Security	Duration
1	Repairing and Renovation of Bhawalguri Sub-Centre including Water Supply, Sanitary Works under Gossaigaon PHE in Kokrajhar District	Rs. 12,00,000.00	Class-I (A, B & C), Class-II & III	Rs. 1000/-	5 (Five) Months
2	Repairing and Renovation of Telipara SC including Water Supply, Sanitary Works in Kokrajhar District	Rs. 13,00,000.00	Class-I (A, B & C), Class-II & III	Rs. 1000/-	5 (Five) Months

Detail N.I.T. may be seen in all working days in the office of the undersigned. Tender paper will be issued to the contractor or their authorized agent upto 12 Noon on all working days from **21-01-2025 to 04-02-2025** in the office of the undersigned on payment in the form of Demand Draft/Banker's Cheque, duly pledged to the Principal Secretary Bodoland Territorial Council, Kokrajhar.

IPR(BTC)-2023-24/1330

Sd/-  
Superintending Engineer, PWD  
Kokrajhar Building Circle, Kokrajhar

### SHORT TENDER NOTICE

Sealed tender affixing court fee stamp of Rs.8.25 (Rupees eight & paise twenty five) only is hereby invited from the intending tender for the following work has been fixed on the date of 24.01.2025 up to 1:00 P.M. in the office of the undersigned. In case the office remains closed on that day for any unforeseen or unavoidable reasons, the tender will be received on the next working days.

The details of the tender Notice can be seen in the office of the undersigned in office hour.

Sl. No.	Name of Work	Approx. Value of Work (Rs in Lakh)	Time of completion	Bid security	Cost of Tender (Rs.)
1	Construction of GI Chain Link Mesh Fence (3 RKM)at Barnadi wildlife Sanctuary under Dhansiri forest Division, Udalguri	8.00	3 months	General 2%, ST,SC,OBC 1%	600.00
2	Repairing of G.I. Chain Link Mesh fence (6RKM) at Barnadi wildlife Sanctuary under Dhansiri Forest Division, Udalguri	9.55	3 months	do	600.00
3	Beautification & modernization at Barnadi Sanctuary (Amusement children park/ cafeteria etc.) under Dhansiri forest Division,	5.95	3 months	do	600.00
4	Fire line Cutting at Barnadi wildlife Sanctuary under Dhansiri forest Division, Udalguri	4.00	2 months	do	600.00
5	Improvement of Forest Road at Barnadi wildlife Sanctuary under Dhansiri forest Division, Udalguri	9.55	2 months	do	600.00
6	Grassland Improvement inside Barnadi Wildlife Sanctuary under Dhansiri Forest Division, Udalguri	8.95	2 months	do	600.00
7	Clearance of Patrolling Path inside Barnadi Wildlife Sanctuary under Dhansiri Forest Division, Udalguri.	2.50	2 months	do	600.00
8	Repairing and renovation of Culvert / Newly setup at Barnadi Wildlife Sanctuary under Dhansiri Forest Division, Udalguri	10.92	3 months	do	600.00
9	Purchase of Solar light at Anti-Poaching Camp with all fitting at Barnadi Wildlife Sanctuary under Dhansiri Forest Division, Udalguri	3.85	2 months	do	600.00
10	Signage / Relro reflecting (I No.) at Barnadi Wildlife Sanctuary under Dhansiri Forest Division, Udalguri	1.00	2 months	do	600.00

Sd/-  
Divisional Forest Officer  
Dhansiri Forest Division, Udalguri

## जाखाँफैसै नॉनिल' सावगारि

जाखाँफैयो सना नॉनिल भुमिका मोखाड  
आंनि बिखानि दरखं मोखाडव।  
मेगना सना नॉनिल इश्वर्य्य रायनि  
जैरै मुड नॉनिल चुइट,  
नॉनिल मिनिनाय, रायज्जलायनाय फ्राबो चुइट,  
मिनिब्लाथाय नायबाय थाथाव-थाव  
महरालाय सोमप्रोयै हायना गोनां।  
जाखाँ फैसे सना खालि नॉनिल' सावगारि  
आंनि फागोला गोसोआव,  
मोनगोना मोना नॉनिल मोजोमसे अन्याय  
होआ होलांबाय नॉनो गोसोखौं आं।  
हरा हरफलांबाय नॉनो जिख्लाबसे लायजाम।  
आजावहां-आजावहांनो नॉनो नाजावबाय

गोसो गोबोर्जो लिरनाय जिख्लाबसे लायजाम।  
बिहर फिन्दोमोन फिन्नाय नॉनिसिम  
मोनफिनाखै नाथाय फिन्नायखौं दाबोने।  
नेबाय थागोन फिन्नाय जीउ जोबथाजासे।  
नाथाय दा दोनलां नॉल' अनजालि  
आंनि गोसो गोबोर्जोआव दुखु हांमा।  
नॉनिल गोसोनि खोथा,  
बुंफोरलां फे आंनि सिगाडव।  
गोजोन्नाय मोनगोन आंनि  
गोसो गोबोर्जोआ एसेब्लाबो अनजालि।  
दा मुगै नॉं आंखौं अनजालि  
नड आं फागोला मुलुगआव  
नाथाय नॉनिल थाखायल' फागोला।

मुस्रि हर्ष बसुमतारी  
जिल्ला-कक्राझार।

## आदानी गुपनि सियारमेन गौतम आदानीआ इन्टारनेसनेल स्कुलनि फरायसाफोरजों लोगो हमदों

मुम्बाइ, 20 जानुवारि:  
आदानी गुपनि सियारमेन गौतम  
आदानीआ समवारखालि  
आदानी इन्टारनेसनेल स्कुलनि  
फरायसाफोरजों लोगो  
हमज्जलायदों। बे समाव गौतम  
आदानीआ फरायसाफोरखौं  
बुंदोंदि, जाफुसाराणा गावनो  
गाव जाफुनानै फैया। बबेखाणि  
जाफुसाराणा बै समाव जायो  
जेव्ला नॉथाड गार्से मुलुगखौं  
साबसिन बानायो। बेजों लोगोसे  
साबसिन मुलुगनि थाखाय हाबा  
मावो। जौनि बुहुमआ गोखैये  
सोलायगासिनो दड। बेनि  
गेजेरजों आं बे बाथ्रानि सायाव  
फोथायोदि, सोलौं थाया



आन्जादनि थाखायल' थियारि  
खालामो। अदेबानि बेयो  
नॉंथांखौं जिउनि थाखायबो  
थियारि खालामो।  
फरायसाफोरनि सिगाडव  
आदानीआ बुंदोंदि, जेव्ला आं  
गावनि दावबायनायखौं

जागायदोंमोन अब्ला आंनियव  
जेबो रडमेप, रिसस आरो  
कानेक्कन गैयामोन। आंनियव  
खालि सिमांल' दडमोन.  
सिमाड मोनसे आंथि गोनां,  
जाय आंनि गोसोनि  
फोथायनायखौं बांहोयो। आं

सानफ्रोमबो बे सिमांखौल'  
नुयोमोन। पेरेन्टिनि आंथिआ  
गथ'फोरनि इयुनखौल' महर  
होया, बेयो हादरनि इयुनखौं  
बानायनो थाखायबो थुलुंगा  
होयो। गांफ्रोमबो बिजाब  
जायखौं नॉं फरायो, थुलुगाजों  
बुंफबनाय मोनफ्रोम सोदोब,  
जायखौं नॉं सोलोडो बेयो  
जिउखौं दायो। दिनेनि गोखैये  
सोलायनाय मुलुगआव नॉंथानि  
बिफावआ आथिखालाव  
सिगांनिखुइ मख'जाथावसिन।  
बेनिखायनो जिउआव आलादा  
खालामनो नाजानांगौ होन्ना  
गौतम आदानीआ  
फरायसाफोरखौं थुलुंगा होयो।

## पाकिस्तानाव उतखारि फेक्टरी थानायनि

### आफगानिस्तानआ फोरमानजों लोगोसे दाबि खालामदों

कराची, 20 जानुवारी :  
पाकिस्तानआ आबुडै उतखारि  
बानायगा फेक्टरी जाबाय।  
पाकिस्ताननि सान्थि आरो बेनि  
संगालि एजेन्सि  
आ.इ.एस.आ.इ.एस.आ.  
उतखारिफोरनो ट्रेनि होयो आरो  
बिसोरखौं आफगानिस्तानाव  
दैथाइहरो। बेनि बागै  
आफगानिस्तान सरकार थोजासे  
अडिअ-भिडअ फोरमान दं।  
इस्लामित इमाइरेटसनि गुबुन  
हादतयारि आयदाफोरनि लेडइ  
मन्थि शेर महम्मद अब्बासआ  
पाकिस्ताननि सायाव बे दायखौं  
गेवलाडै जाबसिदों। पाकिस्ताननि  
न'सुंसे हादतफेर भारत, इरान आरो  
आफगानिस्तानआनो जायामानो  
न'सुंसे हादतनि उतखारि  
फेक्टरीजों गोबां जेना जानाडो।  
सिगां समाव दरसे हादतआ  
बेबायदि दाबि दैखानायखौं  
हारिमायारि थाखायोयव



पाकिस्ताना मुस्लिम हादत  
जानायनि थाखाय बेखौं बेफोर  
बायदि अजद होयो होन्ना  
नेवसिदोंमोन। नाथाय उनाव  
इरान आरो गोदान केसआ  
आफगानिस्ताननि, जाय  
गेवलाडै पाकिस्तानाव उतखारि  
फेक्टरी सोलिहोनायनि बाथा बुंदों

आरो बेनि अडिय'-भिडिअ  
फोरमान दं होन्नाबो दाबि  
खालामदों। लेडाइ मन्थि  
आब्बासआ रोखायै बुंदोंदि,  
आइएसआइएसनि उतखारिया  
पाकिस्तानाव सोलिनाय ट्रेनि  
सेन्ट्राव ट्रेनि लायो। ट्रेनिनि  
उनाव हाथियार हरनानै उतखारि

गाग्लोबनो थाखाय  
आफगानिस्तानाव दैथाइहरनाय  
जायो। हमजानाय माखासे  
उतखारिफेर बेबाथाखौं सिमानबो  
लादों। बिसोरनि केमेरायाव  
सिमान लानाय भिडिअफोरखौं  
गोबां खेब राइज्योयारि महरै  
फोसावनायबो जादों।

## महाकुम्भ मेलायाव अर खामना गं 18 टेन्टफोरा सिलिंखार जादों



प्रयागराज, 20 जानुवारि:  
उत्तर प्रदेशनि प्रयागराजआव  
सोलिगासिनो थानाय महाकुम्भ  
2025 आव अर नांना माखासे  
टेन्टफोरा खामदों। अदेबानि  
बेयाव रवबो सुबुनि जिउ खहा  
जायाखै। महाकुम्भ मेलानि

सेक्टर 19 आव रबिबारखालि  
गंसे शिबिरनि पुआलआव नांनय  
अरआ गेस सिलेन्डार  
बेरफुनायनि जाहोनाव गोखै  
गोसारदोंमोन आरो गं 18  
केम्पफोरा खामजोबो, बबेखाणि  
अर लुखोमोरगा बिफाननि

मावथिफोरा अरखौं दसे समनि  
गेजेरवनो लुखोमोरनो हायो।  
बेयाव केम्प खामजोबदोंब्लाबो  
बेयाव थानाय सुबुंफोरनि  
फोथायनाया बाडइ जायाखै।  
बिसोरबुंदों, गावसिनि मुवा-  
बेसादफोरा गासिबो

खामदोंब्लाबो बिमा गंगानि  
सायाव आबुं फोथायनाय दड  
आरो गावसोर कल्पवास एबा  
गावसिनि पुजानि हाबाफारिखौं  
आबुं खालामगोन। मोनसे  
टेन्टआव अर नांजेनार्यनि उनाव  
10-15 मिनिटआवनो गुबुन  
टेन्टफोरावबो अरा गोसारना  
गासिबो मुवाखौं हाथफला  
खालामो। जाथायखौं नुनाय  
सुबुडा बुंदोंदि, गिबियाव  
गंसे फिसा सिलेन्डारआ  
बेरफुदों। बेनि उनाव गं 3  
गिदिर सिलेन्डारआ बेरफुयो  
आरो बेयावनो अरआ  
गिखं थावसिन जायो।  
अदेबानि राइज्योनि यगि  
सरकारआ जोबोर मोजां  
बेबस्था खालामदों। बेनि  
गेजेरजों अर नांनयनि 5-8  
मिनिटनि गेजेरवनो अर  
लुखोमोरगा हान्जाया सौहैयो  
आरो अरखौं लुखोमोर।

## रंजालि गथ'फोरनि सौरा

### गोदब आबहावा

मुस्रि सनिराम बसुमतारी

हायरे ! बे मुगायाव  
संसारनि बोहैथि दैया मासेबां गुबुंले,  
थरथिसे गोगो नागिरनानै मोननो गोब्राब;  
आनान ग'साइयाखि गुबुंले दैजों खुसि जागोन,  
बेफोर दैखौं लॉन्गखि सुबुनि  
देहाया गोखौं जागोन।  
बेखायनो नामा बे जिउआ  
थोजासे आदार मोनजायै,  
गावनि बिगोमाजों नायस'नजायै  
बेगेंजों बिगुरजों जानाय लामानि  
सैमा फाखि!!  
आंखौं सोर जोनोम होयामोन आं मिथिया,  
आंनि आफाया मा बायदिमोन आं सिनाया;  
खायसेबा बुडो-आंलायनो माइबारिनि फिसाज्ला,  
आरो खायसे बुडो-आंलायनो मोब्लानि मोखांसे  
नाथाय दिने आदि मोदाय गथ'(Basterd)।  
मालाय बिजय, पिकि मोनहा बिमानि  
आहार मोनजानानै देरदों,  
मालाय बिफानि फाफ्लियाव  
गाखोनानै गराइ दाब्रायानो मोन्दों;  
थेवबोदि बिसोरनि आंथि-आखायफ्रा मोनिया,  
बिसोरनि बिखाया लांदां एलबाम।  
गोगो दै नागिरब्लाबो मोनैयाव  
आं आनान ग'साइखौंनो सिबिनो हाया जाबाय,  
देहायाबो लोरबां-थोरबां जाबाय,  
खुगायाव आवरायो फेथेर-फेथेर आर'ज  
गोसोयासो थिर नड  
मानोना आनान ग'साइयाबो खेबसेखौं खोनासड,  
बिनि खोमायाबो सोरबा रां कुबीरजों  
थुलासो माथु जाबाय नामा!  
नाथाय दाबो दावखायादि फुराखै,  
दावब'यादि गोसोम गाव गायाखै  
दैयाबोदि साहाथि बोहेयाखै।

### जाय नख'र संसाराव

जाय  
नख'र  
संसाराव  
गैयाबोला  
धोरम गियान नख'र दावहा जायो  
  
जाय  
नख'र  
संसाराव  
थायोबोला  
धोरम गियान मिलि जुलि थायो  
  
जाय  
नख'र  
संसाराव  
थायोबोला  
धोरम गियान रागा रुगा जायो

रैदोम बर, बाक्सा

### गजल खन्थाइ

खन्थाइनि लैथोयाव सानसिनो  
नॉं माबोरै हायो दसे दसेनो

ना हरदम बिलियाव  
सोदोबनि लैथोयाव थब्ल'योखायनो

सोदोबा फेयो नामा  
नॉनियव भर भरनो

दे, दे जानांगौ  
साफा साफा बिदिनो

लिरगिरि-रैदोम बर',  
माजदिया, बगुलामारि, बाक्सा

## लेववादिनि खुगायाव संखि

ए.के. ब्रह्म

दिनेनिफ्राय बेसेबा  
बोसोर सिगानि खोथा। जौनि  
हादतआ अब्ला माखासे फिसा  
फिसा राइजोआव बुखाव  
जानायमोन। बेफोरनि मोनसे  
राइजोआव सासे राजाआ राइजो  
खुंदोंमोन। बिनिनो मुवा  
ब्रह्मगुप्त। राजाआ जोबोर  
गोहोगोरा आरो फोरजाफ्रा बिनि  
राइजो खुंनय समाव आलो  
आलो राइजो जादोंमोन।  
दानफायाव खेबफा गिदिं गिदिं  
राजाआ राइजोनि फोरजाफोरनि  
सुखु-दुखुनि खौंरां लागामोन।  
दुखु-जालाफोरखौं मोजाडै  
खबर लाना बेफोरखौं सुप्नानो  
नाजानायमोन। फोरजा  
अनफावरिखायनो ब्रह्मगुप्तआ  
गाव राइजोनि सिडवथ'खोथा  
गैया, बाइजोआवबो मुंदांखा  
मोनो। बाथायाव दं-आखाइनि  
मोनजि आसिफ्रा समान  
नंजोबा।' राजा ब्रह्मगुप्तनि  
बेलायावबो खोथाया रोखा  
रोखा खर जानाय।  
फारसेथिनिफ्राय राजाआ  
सुखिब्लाबो मोनसे जाहोननि  
थाखाय बिहा दुखु दंमोन। बिनि  
सासेल' फिसाज्ला राजखुंगुर  
इन्द्रगुप्तनि आखुवा राजानि  
आखुजों हा-अखां फाराख।  
बेबादि सासे गेदेमा फोरजा  
अनफावरि राजानि सासेल'  
फिसाजलानि आखायखौं  
दुलाराय राइजोनि मानसिफोरनि  
खुगा खुगा बु-बु, बा-बा।  
फोरजाफ्रा जेसेबां राजाखौं मोजां  
मोनो, बेनिखुइ जिफान गात्रि  
मोनो राजखुंगुरखौं। बेबादि  
आखुनि दाउलखौं सोलाइ होनो  
राजाआ हागौमानि नाजाबाय;  
नाथाय गासिबो जाजोबदों

'साफोन बिबार' : एरैनो  
नाजागारनाय। खेबसे राजा  
ब्रह्मगुप्तनि राइजोआव  
दावबायनायनि थांखियै  
फेदोंमोन सासे साधु मानसि।  
फोरजाफोरनि गेजेराव बियो  
धोरमनि बाणी, मोजां बोसोन  
बाइदि फोसाव बायनानै  
गिदिं ग्लां बायदोंमोन।  
लोगोआव फोरजाफोरा राजानि  
सायाव खुसि ना गात्रि मोनखो,  
बेखौंबो मोनथिनो नाजानायसै  
बियो। उनथाराव बियो  
मोनथिनो मोनायसैदि फोरजाफ्रा  
राजखुंगुरनि सायावसो बोयबना  
दं। फोरजाफोरनि मोनसेल'  
दुखुनि जाहोना जाबाय राजखुंगुर  
होन्नानै मोनथिनो मोननानै  
साधु-ऋषिआ राजथावनि फारसे  
रावना होनायसै। थानाय समाव  
बिहा मोनसेल' जिंगा दंमोन-  
मा राहाजों राजखुंगुरनि  
जोनोमजों मोनफनाय दावलखौं  
गुस्लाइ होनो हागोन? बियो  
नाथाय गोखोडै थिरां  
खालामनायसैदि बियो माबा  
मोनसे खालामगोनखि  
खालामगोन।

राजखुंगुरखौं। जेव्ला थाडै थाडै  
सानैबो बिबार बागान  
मोनहैनायसै, होमब्ला बागाननि  
खनासेयाव थानाय फुलि  
फांसेनिफ्राय गांनैसो बिलाइ  
सिस'नानै राजखुंगुरनो होनानै  
साधुवा बुंनयसै, "इद्रगुप्त, बे  
बिलाइफोरखौं नाइनानै बिफांखौं  
सिनाइनो हादोंना?" बिलाइखौं  
फिदिं-फिदा नाइनानै इन्द्रगुप्तआ  
सिनाइनो नाजानायसै। बियो  
बिलाइखौं बिसिना सालाइजों  
सोलानायनायसै। मा गोमोथाव।  
सोलानाय लोगो लोगो बिनि  
सालाइया थनन्थ'नो गोनां  
जानायसै। रागायाव गियान  
खोमानानै दुगामारा राजखुंगुरआ  
फुलिखौं नागिरनानै बुखुसे  
बुखुना बेसेबा गोजानाव  
गारहरनायसै। ओजोंहा खाबु  
नायवाय थानाय साधुवा बे  
हाबाखौं नुनानै गुरै रावयै  
इन्द्रगुप्तखौं बुंनयसै, "राजखुंगुर  
फुलिखौं मानो बुखु गारखो?"

नॉं बुखुना गारगारबाय।' एसे  
समाव जुमुदै गारबाय थानाय  
राजखुंगुरखौं बिनि खर' बिलि  
बिलि बियो बुंबाव नायसै,  
"राजखुंगुर, नोमा-नोमफा,  
फोरजाफ्रा नॉनिफ्रायबो बेखौंनो  
हास्थाइदों। नॉं दा उन्दै बैसोनि  
राजखुंगुर। नॉनि गिग्रा हाबानि  
थाखाय बयनिबो हालोदआ  
लरग'-थरग'। जेव्लानो देरनानै  
राजा जागोन, होमब्ला फुलिनि  
गोखाया बाराय लांनयबादि  
नॉनि अहं साननाय आरो असित  
आखलआ दैज्जानि दै बानाबादि  
लोब लोब बाराय लांगोन।  
होमब्ला फोरजाफोरनि  
हालोदआ दैयाव हांसो  
सानसिख' हायै बादि जागोन।  
बेखायनो नॉनि आखलनि गिग्रा  
हुदाखौं नॉं गारदों।"

राजखुंगुरनि खोथानि

फिनखौं साधुवा एरैबादि फिनबाय  
जेन लेववादिनि खुगायाव  
संखिखौं गोमैलाय। लोगो  
लोगो गियाननि मेगना  
राजखुंगुरहा बेखेव जाबाय।  
गावनि गोरोन्थिखौं बुजि हाना  
उनदाहा खालामनायसै बियो।  
साधुनि आथिडाव हमनानै  
बियो बुंनयसै, 'हे आफा  
साधु, आसोल सोलेंथाइखौं  
नॉंसो आंनो फोरोंबाय।  
नंखायनो, नॉं आंनि गुरु।  
नॉंथानि आथिडाव हमनानै  
दिने आं समाइ लायोदि नै  
दासो गोखा बिफां फलिखौं  
फुननानै गारहरनाय बादि  
आंबो आंनि गासैबो गात्रि  
हुदाखौं नागार जोबगोन।"

राजखुंगुरनिफ्राय  
बेबादि खोथा मोननानै साधु  
मानसिया बिखौं आखायाव  
हमनानै बोखाना गोबों गोसोजों  
बोर सारसिनयसै।

# दिल्ली-एनसिआरआव थाबैनो एयार टेक्स सिबिथाय मोनसिगोन

नएडा, 20 जानुवारी: फैगौ माखासे बोसोरफोराव दिल्ली-एनसिआरजों लोगोसे हदतनाडे हान्था-मोला सिबिथायाव गोदान महर नुनो मोनगोन। लामायाव टेक्सिन जायगायाव एयार टेक्सिजों दरसे सहरनिफ्राय गुबुन सहराव थानाय सुबुंफोरखौ नुनो मोनगोन। इन्डिया एक्सप' सेन्टर एन्ड मार्टआव सोलिनाय आर्बानि मबिलिटी इन्फ्रास्ट्रक्चर श'आव एयार टेक्सिन इयुनखौ दिन्थिनाय जादों। एयार टेक्सि, बेखौ सोलिहोनाय, वार्टिपट बायदिखौ लानाने कम्पानीफोरा गावनि कन्सेप्टखौ दिन्थिदों। फैगौ माखासे बोसोरफोराव दिल्ली-एनसिआरनि सुबुंफोरा दरसे सहरनिफ्राय गुबुन सहरसिम 15-20 मिनटआवनो सौहैगोन, जेराव बिसोरो हा लामाजों 1.5 घन्टा - 2 घन्टा सम नांगो जायोमोन। दासिमाव गंनै एयार टेक्सिन मडेल दिन्थिनाय जादों। गंसेयाव



पायलटजों लोगोसे साबा आरो गुबुन गंसेयाव पायलटजों लोगोसे सा 6 सुबुंफोर जिरायनो हागोन। एयार टेक्सिआव लिमिटेडआ एयार टेक्सि सिहास एच 5 नि कन्सेप्ट दिन्थिदों। कम्पानी गायसनगिरि अनुराग गुप्ताआ फोरमायदोंदि, सिहास एच 5 खौ फैगौ बोसोरनि मार्च दानसिमाव अखांमायाव नुनो मोनगोन। बे टेक्सिआ हेलिकप्टर बायदि वार्टिकेल टेक अफ खालामगोन आरो लेन्डि खालामगोन। बेखौ पेसेन्जार गारि, जाय राइडस, एयार कार्ग, एयार एम्बुलेन्स, नायबिजिनाय

## कलम्बियाआव हिंसायारि जाथायाव सा 80 निखुइ बांसिन सुबुंफोरनि जिउ गोमादों



कलम्बिया, 20 जानुवारी : कलम्बियाआव बागी हान्जाजों लोगोसे गोजोन सावरायनाया फेलें जानायनि उनाव हिंसायारि जाथाया सोलिमासिनो दं। बे हिंसायाव दासिमाव 80 निखुइ बांसिन सुबुंफोरनि जिउ ख'हा जाबाय आरो 2 दर्जनसो सुबुंफोरा जोखोम जायो। हिंसानि जाहोनाव रोजा-रोजा सुबुंफोरा न' गेजायै जानाडे। हिंसायारि जाथाया कलम्बियानि केयटुम्ब ओन्सोलाव जागासिनो दड। बे हिंसाखौ नोजोर होनाने कलम्बिया सरकार बे ओन्सोलाव 5 रोजा रैखाथि मावसुमाफोरखौ थिसनो। मख'नो गोनांदि, केयटुम्ब ओन्सोला ककिन बानायनाय आरो फालांगि खालामनायनि थाखाय बदनाम। बे ओन्सोलाव गोहोम खोखैग्रा मोननै सान्थि हान्जा नेशनेल लिबोरेशन आर्मि आरो कलम्बिया मार्क्ससिस्ट रिभल्युशनरी आर्म्ड फर्सस हान्जानि गेजेराव बे हिंसायारि जाथाया सोलिमासिनो दं। बे मोन्ने हान्जानि गेजेराव गोजोन गायसन्तो नाजागासिनो दंमोन। नाथाय बिसोरनि फेलें जानाय उनाव हिंसायारि जाथाय सोमजियो। बे हिंसानि बेंखनआव माखासे सरासन्ता सुबुंफोराबो गोग्लैयो। बे हिंसानि जाहोनाव जायगानि सुबुंफोरा खारनानै माखासेफोरा न'सुंसे राइज्योफोराव थागासिनो दं आरो माखासे सुबुंफोरा कलम्बियानि सिमना बारना भेनेजुएला सौहैयो। केयटुम्ब ओन्सोलनि सिमनाफोरा भेनेजुएलाजों नांजाबो। रिपुजिफोरनि थाखाय खाथि-खालानि सहरफोराव आस्रय लाग्रा जायगा बानायना होनाय जादों। रिभल्युशनरी आर्म्ड फर्ससआ मोनसे समाव कलम्बियानि बयनिखुइ देरसिन गुरिल्ला फर्सथानफोरनि गेजेराव मोनसे। थानाय 2016 आव एफएआरसि, इल्लएल आरो ड्रग्स फालांगिरिफोरनि गेजेराव मोनसे रादाय जादोंमोन। बे रादायखौ लानाने माखासे जेना सोमजिनानयि जाहोनाव हिंसायारि जाथाय सोमजियो। अदेबानि बे गासै जाथाया निसानि फालांगिजों लोब्बा गोनां। नाथाय आथिखालाव बे हिंसानि बेसेनखौ सरासन्ता सुबुंफोरा सुख'नांगासिनो दं।

No.ACE-35/TECH/UDLR(B)/IFB/2018-19493 Dated Kokrajhar the 20/01/2025  
**Tender No. 54 of 2024-25**  
**PRESS NOTICE**  
 The Addl. Chief Engineer cum Director, PWD, BTC, Kokrajhar invites bids on behalf of Governor of Assam for 2 (two) nos. of works under Udalguri District, total bids amount Rs. 72,15,697.00 (Approx) from the eligible contractor registered under Class- II & I (A, B & C) category under PWD, (Building), Assam or BTC.  
 Details may be seen at website <http://assamtenders.gov.in> and also at the office of the undersigned during office hours.  
 Sd/-  
 Addl. Chief Engineer, Cum Director, PWD,  
 Bodoland Territorial Council, Kokrajhar  
 IPR(BTC)/C/2024-25/1331

No.TECH-29/SE(Bldg)/NIT/2022-23/39 Dated Kokrajhar, the 20/01/2025  
**SHORT NOTICE INVITING TENDER**  
 Sealed tenders affixing a non-refundable court fee stamp of Rs. 8.25 (Rupees Eight & paise twenty five) only with a validity period of 180 days, which will subsequently be converted and drawn up in the printed F-2 form are invited from the registered contractors of Class-I (A, B, C); Class-II & III Category registered under PWD (Building) Department, Assam and Bodoland Territorial Council, according to their eligibility for submitting tenders for the work as stated below. The tenders will be received by the undersigned up to **2.00 P.M on 05.02.2025** and will be opened on the same date & place at **2.15 P.M.**  

1	Repairing / Renovation of the existing School Building of Faganagaon High School in Chirang.	Rs.17,15,749.00	Class-I (A, B & C), Class-II & III	Rs. 1000/-	3 (Three) Months
---	--	-----------------	------------------------------------	------------	------------------

 Detail N.I.T. may be seen in all working days in the office of the undersigned. Tender paper will be issued to the contractor or their authorized agent upto 12 Noon on all working days from **21-01-2025 to 05-02-2025** in the office of the undersigned on payment in the form of Demand Draft/Banker's Cheque, duly pledged to the Principal Secretary Bodoland Territorial Council, Kokrajhar.  
 Sd/-  
 Superintending Engineer, PWD  
 Kokrajhar Building Circle, Kokrajhar  
 IPR(BTC)-2023-24/1329

# रेल दावबायारिफोरा आथिखालाव रिजार्भेशन गैया जासे दावबायनो हासिगोन

गोदान दिल्ली, 20 जानुवारी : रेलवेआव दावबायग्राफोरा सिगाडव रिजार्भेशन गैया जासे दावबायनायाव गोबां जेनाफोरजों मोगा-मोगि खालामनाडेमोन। नाथाय आथिखालाव बे दावबायारिफोरा रिजार्भेशन गैया जासेनो गोरलैयै दावबायनो हासिगोन। रेलवेआव दावबायारिफोरनि सुबिधानि थाखाय गोदान ट्रेनफोर सालायनो थांखि लादों आरो बे गासै ट्रेनफोरा 20 जानुवारीनिफ्राय खारसिगोन। सुलुंनि बायदिब्ला, बे ट्रेनफोरखौ बै लामाफोरवल' सालायनाय जागोन, जेराव दावबायारिफोरनि अन्जिमाया बांसिन जागोन। बे ट्रेनजों दावबायग्रा सुबुंफोरा जेनेरेल टिकेटखौ स्टेसननि टिकेट काउन्टरनिफ्राय बायनांगोन। लोगोसे बिसोर इडटिएस एपनि गेजेरजों टिकेट बुक खालामनो हागोन। बे ट्रेनफोराव जेनेरेल केटेगि आरो सिटि केटेगिनि डाब्बा थागोन। आइआरसिटिसिनि गं 10 गोदान



ट्रेनफोरा हादतनि गाहाइ शहरफोरखौ सरजाबगोन। मुम्बाइ-पुणे सुपारफास्टआ फुनि 7:30 रिंगायाव मुम्बाइनिफ्राय रावना होनानै फुनि 11:00 रिंगायाव पुणे सौहैगोन। हाइड्राबाद-विजयवाड। एक्सप्रेसआ हाइड्राबादनिफ्राय फुनि 7:30 रिंगायाव जागायगोन आरो सानजौफुनि 2:00 रिंगायाव विजयवाड सौहैगोन। दिल्ली-जयपुर एक्सप्रेसआ दिल्लीनिफ्राय फुनि 6:00 रिंगायाव जागायगोन आरो

सानजौफुनि 1:30 रिंगायाव जयपुर सौहैगोन। लक्ष्मी-वाराणसी एक्सप्रेसआ लक्ष्मीनिफ्राय फुनि 7:00 रिंगायाव खारनानै सानजौफुनि 1:30 रिंगायाव वाराणसी सौहैगोन। कलकाता-पाटना इन्टरसिटि, कलकातानिफ्राय फुनि 5:00 रिंगायाव खारनानै सानजौफुनि 2:00 रिंगायाव

1:30 रिंगायाव वाराणसी सौहैगोन। कलकाता-पाटना इन्टरसिटि, कलकातानिफ्राय फुनि 5:00 रिंगायाव खारनानै सानजौफुनि 2:00 रिंगायाव

## इजराइल-गाजा दावहाया दोन्थ 'जानायनि उनाव भारतनो साबायख'र बाउदों

गोदान दिल्ली, 20 जानुवारी: गाजाआव दावहा दोन्थ'नाया गोहोम गोनां जानायनि उनाव इजराइलनि थान्दै रूभेन अजारआ गावनि रैखाथिनि थाखाय गावसिनि हादरनि मोन्थायखौ हेफाजाब होनायनि थाखाय भारतनो साबायख'र बाउदों। इजराइल थान्दै मावख'आ फोसावनाय भिडिआव अजारआ बुंबावोदि, भारतयारि सुबुंफोरनि हेफाजाब होनायखौ जर'खायै बाख्नायो। मख'जाथावदि, 7 अक्टूबर 2023 आव हमासआ इजराइलनि सहरफोराव गाग्लोबनायनि खिथेर लानानै इजराइलआ गाजायाव गोखों सान्थियारि गाग्लोबनायखौ जागायदोंमोन। हमासनि गाग्लोबनायखौ सोंखारिनानै भारतआ जेब्लाबो दावहाखौ दोन्थ'नो खावलायबाय थाबोदों। भारतआ गाजानि दावहा दोन्थ'नायखौ बरायदों। दावहा दोन्थ'नायनि उनाव हमासआ सा 3 बेंखनआव लांजानायफोरखौ हगारदों। बिसोर सा 3 इजराइलनि आइजोफोरा रेड क्रसनि गारिजों



इजराइलसिम सौहैबाय, जेराव बिसोरखौ आंगो हादरआव गाजा-गोमजायै बरायो। हमासनि जिम्मानिफ्राय गलानाय आइजोफोरखौ 24 बोसोरनि रमि गनेन, 28 बोसोरनि एमिली दमारि आरो 31 बोसोरनि डरन स्टीनब्रेचार होनानै मिथिनो हादों। गनेनखौ नभा मिउजिक प्रग्रामनिफ्राय लांखारदोंमोन आरो गुबुन सानैखौ किबुत्ज कफार अजानिफ्राय लांखारदोंमोन। दमारिहा इजराइलनि आरो ब्रिटेननि मोननै नोगोरारि मोन्थाय दड आरो स्टीनब्रेचारहाबो

इजराइल आरो रमानियाननि नोगोरारि दड। इजराइलनि गाहाइ मन्थि बेन्जामिन नेतन्याहुआ बिसोरखौ हादरआ बोजोबनानै लायो होना बुडे। थाबैनो गुबुन बेंखनआव लांजानाय सुबुंफोरखौबो हगारगोन होना आसा कालामनाय जादों। दावहा दोन्थ'नाया गोहोम गोनां जानायनि सिगांनो गाजायाव सुबुंफोरा रंजादों आरो गोबां फिलिस्ताइनीफोरा गावबा गाव न'आव गिदिबोनेो हमादों। रबिबारखालि सा 90 फिलिस्ताइनी कयेदीफोरखौ हगारनाय जायो।

## मणिपुरनि सान्जा इम्फलआव आयेन बेरेखायै न' बानायनायनि हेन्थायै गोखों हाबाफारि जागायदों



इम्फल, 20 जानुवारी : मिडिया पस्टआव लिरोदि, मणिपुर सरकार सान्जा इम्फल जिल्लयाव आयेन बेरेखा न' लुनायफोरखौ सिलिंखार खालामनानै गावसोरनि हाबाफारिखौ जागायो आरो सुबुंफोरखौ सरकारि हा आरो दै जिंफोराव दखल खालामना थानायनिफ्राय जानागारव थानो खावलायो। बे हाबाफारिनि गेजेरजों सान्जा इम्फल जिल्लयाव इम्फल दैनि सेर हत्ता गलापतिआव लामा बानायनायनि गेजेरजों बानायनाय मोनसे फोलेरारि हलखौ थानाय रबिबारखालि सिलिंखार खालामना होनाय जायो। गिदिर मेशिन सालायनायजों लोगोसे सरकारि बिबानगिरिफोरनि मोनसे टीम जेराव सासे लेडाइ-बिफानारि बिबानगिरि (एसडिआ), जिल्ला पुलिस, बिथांखि आरो जौगाखां अट'रिटि (पिडिए) आ दंफायोमोन, बिसोर आयेन बेरेखा न' बानायनायफोरखौ सिलिंखार खालामो। गिबि मन्थि एन बिरेन सिंहआ गावनि सशेल

मिडिया पस्टआव लिरोदि, आयेन बेरेखा न' बायना था; बुल्डजारआ खे बसे फे बावगोन। रबिबार बेलासियाव गंसे बुल्डजारखौ बै आवग्रिनाय जायगायाव खामानि मावनाय नुनो मोन्दों, जेराव बे फोलेरारि हलखौ बुफायनाय खामानिया सोलिमासिनो दंमोन, जायनि भिडिअ क्लिपआ सशेल मिडियाव गोबां शो यार खालामजादों। आयेनखौ नेवसिगारनानै सान्जा इम्फल जिल्लानि नंपक इन्कल (हट्टा) आव मोनसे फोलेरारि हलखौ लामा गेजेराव मोन्नाय जादों। बे खौरंखौ गिबि मन्थि एन बिरेन सिंहआ गावनि दुइतराव शेयार खालामो। बेनि अनगयै सिंहआ बुबावदोंदि, बाबुपारा सोनाब इम्फल लामायाव आवग्रिनानै सासे दैदेनगिरिनो न' बानायनायनि थाखाय मोनसे जाहोन फोरमायनाय नटिस फोसावदोंमोन। आथिखालाव गिबि मन्थिया बेनि सोमोन्दै रावनिबो मुं लायाखै।

## अखाजों लोगोसे बरफ आरो सार अन्थाइ गोग्लैगोननि सांग्रांथि होदों

गोदान दिल्ली, 20 जानुवारी : सोनाबारि नारसिन्थाइनि जाहोनाव सा-भारतआव अखा आरो हाजोयारि राइज्योफोराव बरफ गोग्लैगासिनो दं। पाकिस्ताननि साखाथियाव सोनाब नारसिन्थाइआ सांग्रां जाना दं। फारसेथिं सोनाब नारसिन्थाइया इरानथिं सोमजिखदों। बेनि अनगयै राजस्तानआव पाकिस्तान सिमनानि ओन्सोलाव मोनसे साइक्लनिक सार्कुलेशनबो सांग्रां जाना दं। बेनि जाहोनाव सोनाब हिमालय ओन्सोलाव 23 जानुवारीसिमाव अखा हानो हागौ आरो बरफबो गोग्लैनो हागौ। फैगौ 22 आरो 23 जानुवारीयाव सा-सोनाब भारतनि हायेन ओन्सोलफोराव अखा हानो हागौ। बै सानफोराव



पान्जाब, हरियाणा चन्डिगड आरो दिल्ली, सा-राजस्तान आरो सोनाब उत्तर प्रदेशआव सार अन्थाइजों लोगोसे सरासन्ता अखाबो गोग्लैनायनि आसा दं। आसाम, मेघालय, नागालेन्ड, मणिपुर, मिज'गम आरो त्रिपुरनि गुबुन ओन्सोलफोरावबो रोजा खुवा खुगोन। तालिनाडु, पडुचेरी आरो कर्नाटकआवबो माखासे जायगाफोराव अखा हानायजों लोगोसे सार अन्थाइबो

गोग्लैनो हागौ। थानाय 24 घन्टयाव हायेन ओन्सोलफोराव बयनिखुइबो खमसिन बिदुंखौ पान्जाबनि अमृतशरआव थिसन्तो मोन्दों। बेयाव मिनिजाम बिदुख 4.8 डिग्रि थिसनजादों। उत्तर प्रदेश, सोनाब राजस्तान, पान्जाब आरो सोनाब मध्य प्रदेशआव रोजा खुवा खुनाय नुनो मोन्दों आरो बैयावनि भिजिबिलिटीआ 50 मिटरनिबो खमसिनमोन।

## बोसोरनैनि उनाव जर्जियानि पल्ट्री फार्मआव बार्ड फ्लुआ आगान होदों

वाशिंग्टन, 20 जानुवारी : 2022 नि उनाव फिन खे बसे बाव आमेरिकानि जर्जियाआव बार्ड फ्लु गोसारनायनि खौरां फेदों। खौरांनि बायदिब्ला, जर्जियानि मोनसे गिदिर दाव फार्मआव बार्ड फ्लु मोनो। राइज्योनि आबाद बिफानआ बे केसनि सोमोन्दै फोरमायोदि, बे बेमारा एलबार्ट काउन्टिआव गंसे दाव



पल्ट्री फार्मआव मोन्दों, जायनि अटलान्टानिफ्राय गासै 165 कि:मि: सा-सान्जाह दं। सुलुंनि बायदिब्ला, जर्जियाआ आमेरिकानि बयनिखुइ देरसिन चिकेन एबा दाव दिहुनग्रा राइज्यो। बे केसा नुजाथिनाय

उनाव राइज्योआव पल्ट्रिजों सोमोन्दो गोनां गासै हाबाफारिफोर पल्ट्री दिन्थिनाय, श' आरो फान्नायखौ होबथाना होयो। दासिमाव बार्ड फ्लुनि के सआ फिसा आबाद फोथारसिमल' सिमना गोनां जाना दंमोन। नाथाय आथिखालाव बेयो गिदिर पल्ट्री फार्मफोरावबो गोसारदों। बिबानगिरिया फोरमायोदि, बार्ड फ्लुखौ बै समाव मिबथियो, जेब्ला बेयाव गासै 45,000 दावफोरखौ फान्नो थाखाय फिदोंमोन। आथिखालाव गोहोम गोग्लैनाय ओन्सोलनि खाथि-खालानि गासै पल्ट्री फार्मफोरखौ क्वारेन्टाइनआव लाखिनाय जाबाय आरो बे फार्मफोराव टैस्टिं खालामगासिनो दं। आबाद

बिफानआ बे बाथ्राखौबो फोरमायोदोंदि, आथिखालाव गोहोम गोग्लैनाय जायगाखौ साखोन-सिखोन खालामनाय जाबाय आरो इन्फेक्सन जानाय दावफोरखौ बोखारनाय जाबाय। मख'नो गोनांदि, बे बेमारा थानाय 2 बोसोरफोराव मुलुगनाडै लाख-लाख दावफोरनि थैनायनि जाहोन जाखांआव। बावैसो सिगां इडएस आबाद बिफाना खौरां होयोदि, थानाय दानाव मोन 84 पल्ट्री फार्मफोयव बे भाइरसखौ मोन्दोंमोन, जेराव लाख-लाख दावफोरा इन्फेक्सन जादोंमोन। नाथाय आथिखालाव बार्ड फ्लुजों सुबुंफोराव इन्फेक्सननि केसआ जोबोद खम जाबाय आरो बावैसो सिगां सासे सुबुड बार्ड फ्लुजों जिउ गोमायो।

**( 1 बिलाइनिफ्राय )**

### बिपिएफ दोलोनि 6थि थाम बोसोरारि जथुम्माया जोबलांबाय

जौगाथाइनि थाखाय खामानि मावनो लानाय माखासे गोनांथार थांखिफोरखौ लानाय जादों । बे थामथि बोसोरारि जथुम्मानि दिनें नैथि सानआ चिरां जिल्लानि बेंटलआव थानाय जांखिखां फोथाराव मेहेरगोनाडै खुंफुं जायो । दिनें नैथि साननि हाबाफारि बायदियै फुंबिलि समाव बिपिएफ दोलोनि फिरफिला बिरहोनाय आरो मुंखुंफोरनि बिबार बाउनाय हाबाफारिया जोबनायनि उनाव दोलोनि गासै दैदेनगिरि आरो बिबानगिरिफोरखौ लानानै थान्दै मेल जथुमो । थान्दै मेलआव फैबाय थानाय समाव दोलोखौ गोखौ खालामनाय आरो मावनो गोनां खामानिफोरनि सायाव गुवारै सावरायज्ज्नायनायनि गेजेरजों गोनांथार थांखिफोरखो आजावनानै लानाय जादों । बेबायदिनो 6थि थाम बोसोरारि जथुम्मानि जोबथा हाबाफारि बायदियै सान्जोफु समाव मोनसे गेवलां मेल लानाय जायो । गोबां रोजा-रोजा बिपिएफ दोलोनि मदतगिरि आरो रइजो-रजाफोरनि बाहागो लानाय गेवलां मेलआव बिपिएफनि गागि दैदेनगिरिफोरा बाहागो लानानै फैगौ बिटिसि बिसायख 'थियाव बिपिएफ दोलोआ रइजो-रजाफोरनि हेफाजाबजों देरहासार जानानै फिन बिटिसि सरकार दाफिनगोननि मिजिंजों फैबाय थानाय समाव बिटिसि हालामनि गासै हारि-माहारिनि जौगाथायनि थाखाय खामानि मावगोननि सोमोन्दै गुवारै बुंफोरनानै होयो आरो आथिखालनि प्रमद बर ' दैदेन्याय बिटिसि सरकारआ रइजो-रजाफोरनो खोथा होनाय बायदि खामानि मावनायाव फेलें जादों होनानै गेवलां मेलआव बाहागो लानाय रइजो-रजाफोरनि गेजेशव फोरमायनानै होयो बिपिएफ दोलोनि गागि दैदेनगिरिफोरा । हाबाफारियावनो बिपिएफनि आफदागिरि थामहिनबा बिटिसिनि बारग ' गहाइ खुंगिरि हाग्रामा महिलारिआबो गावनि बिबुंथिनि गेजेरजों फैगौ बिटिसि बिसायख 'थियाव बिपिएफ दोलोआ हारिसिडे बिसायख 'थि गेलेनानै 25 मासिफोरव देरहानानै फिन सरकार दाफिनगोनखौ रइजो-रजाफोरनि सिगाडव मिजिंथिनाय फोरमायो । लोगोसे बिथाड बुंबावोदि, जुदि बिपिएफआ बिटिसि सरकारआव फैफिनोब्ला बिटिसिनि मोनफ्रोमबो जिल्लाफोरवनो लाइमोन फरायसाफोरनि थाखाय मोनफायै कचिं सेन्टर लुफुंनानै होनाय जागोन, जाहाथे बिटिसिनि लाइमोनफोरा जायखि-जाया बादायलु आन्जादफोरव बाहागो लानानै जाफुंसार जानो हायो आरो गाव-गावनि केरियारखौ दानानै लानो हायो । बेनि अनगायैबो लाइमोनफोरखौ गासै बिथिडव आखा-फाखा खालामनो थाखाय बिटिसिनि मोनफ्रोमबो जिल्लाआव सम लानानै लाइमोन फोर्बो एबा इउथ फेस्टिभेल खुंनाय जागोन । हाग्रामा महिलारिआ बुंबावोदि, बिपिएफआ जुदि, सरकारआव फैफिनोब्ला उदालगुरिआव मोनसे बिटिसि मिनी सेक्रेटारियेट मावखुलि लुफुंनाय जागोन । बेनि अनगायैबो बिटिसिनि सिडव थानाय माखासे गहाइ देमाफोर जैरे- बैकि दैमा, दिरि दैमा, पाग्लादिया दैमाफोरव रइजो-रजाफोरनि हान्था-मेलानि थाखाय दालां लुफुंनानै होनाय जागोन । बेजों लोगोसेनो भैरबकुन्डनिफ्राय जमदुवारिसिम माहारियारि राजा लामा, रडिथानिफ्राय भुटान हादतनि चान्द्रपु जंकर ट्रेन सिबिथाइखौ लाफानानै सोलांथाइ, आबाद आरो दावबायथाइ बिथिडव जौगानायनि खामानि मावगोन होनानै हाग्रामा महिलारिआ फोरमायदों । आथिखालाव बिटिसि हालामाव राजखान्थि दोलोफोरनि थासारिनि सोमोन्दै बिबुंथि लाखिनायाव हाग्रामा महिलारिआ बुंबावोदि, बे समाव बिटिसिआव राजखान्थि दोलो हिसाबै बिपिएफआनो सेंथि सारियाव दड । बेनि उनाव नैथिआव बिजेपि, थामथिआव इउपिपिएल आरो ब्रैथिआव कंग्रेस दोलोआ दड होनानै फोरमायो हाग्रामा महिलारिआ । बिटिसिनि बारग ' लेडाइ गहाइ मावफुं सोद्रोमा आरो बिपिएफनि गागि दैदेनगिरि खाम्पा बरगयारिनि सोमोन्दै बाथा बुंनायाव बिथां महिलारिआ बुंबावोदि, खाम्पा बरगयारिआ बिपिएफ दोलोजोंनो दड, बिथाडा गावनि देहायारि जेंनानि थाखाय बिपिएफनि हाबाफारिफोरव बाहागो लायाखै जानांगौ । जायखि-जाया बिथाडा बिपिएफजोंनो दड आरो इयुनआवबो थाबाय थगोन होनानै फोरमायो । दिनेंनि हाबाफारियाव बिपिएफनि एमएलएफोरे-दुर्गा दास बर', रबिराम नाजार्नि, सरन बर', बारग ' मन्थि प्रमिला रानि ब्रह्म, रिहन दैमारि आरो रोजा-रोजा बिपिएफनि हेफाजाबगिरि रइजो-रजाफोरनि बाहागो लानायजों बिपिएफ दोलोनि 6थि थामबोसोरारि जथुम्माया मेहेरगोनाडै जोबलाड ।

### गसाइगावआव मै बेदरजों लोगोसे सानै मैहुर खालामग्राखौ हमदों

जिब-जुनातफोरखौ मैहुर खालामनायाव नांथाबबाय थारों । बेरा फासैं बे हाग्रा आरो हाग्रानि जिब-जुनातखौ रैखाथि होनो थाखाय ओन्सोलनि माखासे मिथिंगा सरैखाथि गौथुमफोर आरो हाग्रा बिफाननि मावफारियाफोरा सान-हर खामानि मावबाय थारों । बेबायदि समावनो रइमना माहारियारि हाग्रामायाव जिब-जुनात मैहुर खालामग्रा सानै मैहुरारिफोरा हमजानो गोनां जादों । कक्राझार जिल्लानि गसाइगाव महकुमानि सिडव थानाय रइमना माहारियारि हाग्रामानि नांजाबनाय बांतिजर गामिनि साखाथियाव सानै मैहुरारिफोरखौ हमदों । हमजानाय दायनिगिरिफोरखौ जइदेब बाक्सि आरो गंगा तुदु होनानै सिनायथिनाय जादों आरो बिसोर सानैखौबो मासे मैनि बेदरजों लोगोसे हमनो मोन्नाय जादों । मिबथिनो मोन्नाय बायदिब्ला, हाग्रानि मैआ आदार नागिरसानै गामि फासैं ओंखारबोदोंमोन । गामिआव हाबफैनाय मैखौ नुनानै जायगानिनो सानै मैहुरारिफोरा मैखौ बुथारो । मैखौ बुथारनायनि उनाव बिसोर सानै दुथांफोरा मैनि बेदरखौ फान्दोंमोन । बेबायदि जाथायखौ खौरां मोन्नायनि उनाव हाग्रा बिफाननि मावफारियाफोरा जाथाय थिलियाव नुजाथिहैनानै मै बुथारनायनि सायाव संदानो आरो जाथायजों लोब्बा थानाय सानै दुथां सुबुंखौ मै बेदरजों लोगोस हमनो हायो । बेबायदि मिथिंगायारि सम्पद जिब-जुनातखौ बुथारनायनिफ्राय जानगाराव थानो ओन्सोलनि गामिआरिफोरखौ हाग्रा बिफाननि मावफारियाफोरा सांग्रांथि होबोनायजों लोगोसे रइमना माहारियारि पार्कखौ रैखाथि होनो आरो बेनि जिब-जुनातफोरखौ रैखाथि होनायाव बाहागो लाफानो थाखाय ओन्सोलनि रइजो-रजाफोरखौ खावलायो ।

### गेलेमुनि फासैं गोसो गुदु लाइमोनफोरनि थाखाय गोजोन्थाव खौरां

28 जानुवारिनिफ्राय 29 जानुवारिसिम 12 बोसोर बैसोनिफ्राय 16 बोसोर बैसोनि लाइमोन गेलेगिरिफोरनि थाखाय हिन्जावसा आरो हौवासाफोरनि एथलेटिक्स, बक्सिं, ताइक्वान्ड ' आरो हिन्जावसाफोरनि थाखाय काबाडी गेलेमुनि सायख ' बादा खुंनाय जागोन । बेबायदिनो 30 आरो 31 जानुवारि, 2025 अक्खखालि साननैनि हाबाफारिजों हौवासा आरो हिन्जावसाफोरनि थाखाय फुटबल गेलेमु, उसु, आर्चारि आरो हिन्जावसाफोरनि थाखाय हकौ गेलेमुनि सायख 'बादा खुंनो थाखाय थांखि लानाय जादों । बेनिखायनो बिटिआर हालामनि जायफोर गेलेमुनि फासैं गोसो गुदु लाइमोनफोरनि बिथांमोनहा मख 'नाय अक्टआव कक्राझारनि साइ फोरोंथाइ मिरुआव फैनानै सायख ' बादायव बाहागो लाफैनो आरो रइज्योआरि, हारियारि आरो हारिमायारि थाखोनि गेलेमु बादायलायनायाव बाहागो लानो थाखाय गावनि रोगंथिखौ दिन्थिफैनायनि गेजेरजों गावनि गेलेमु केरियार दानायनि खाबुखौ लानो हाफैगोन । मख 'नाय गेलेमु आयदाफोरव जायफोर गोसो गुदु गेलेगिरिफोरा बाहागो लाफैनो गोसो बिथांमोनहा मख 'नाय अक्खखालि गाव-गावनि जोनोम फोरमानलाइ, आधार कार्ड, सरकारि देहा फाहामसालिजों गनायथिजानाय मेडिकेल फिटनेस सार्टिफिकेट, गेलेमुनि बान्था फोरमानलाइ, गांभ्रै पासपर्ट आरो सोलांथाइनि फोरमान बिलाइफोरखौ लानानै बाहागो लाफैनो हागोन । सायख ' बादाय फुंबिलि 8:00 रिगानिफ्राय जागायगोन । मिबथिनो गोनांदि, जायफोर गेलेगिरिफोरा बे सायख ' बादायव बाहागो लाफैगोन बिसोसोनो साइआ थानाय-फैनायनि जेबो खरसा होनाय जानाय नड । बाहागो लागिरिफोरा गावबा-गावनि गेलेमुनि गोनांथि मुवा-बेसादफोरखौ लाबोफानांगोन । बे सायख ' बादायव बाहागो लानो गोसो गुदु गेलेगिरिफोरा सायख ' बादानि फर्मखौ साइ एसटिसि कक्राझारनि फेसबुक पेजनिफ्राय डाउनलड खालामनानै सुफुंना जमा होनो हागोन ।

### उदालगुरि जिल्लानि रइज्योनाडै- सोमावग्लुंलानाय

#### माजबात जिनाहारि जाथायनि राय होबाय

अभिजुल आलि, मुस्ताक आहमेद, महिदुल इस्लाम, एहसान आहमेद आरो सादाम हुसेइन होनानै सिनायथिदों । जाथाय बादियै बयखौबो गिखांहोनाय माजबातनि बे खासि-बिसि हान्जा जिनाहारि जाथायाव लोब्बा थानाय सा 5 लांसुनियाफोरखौ दिनें 20 जानुवारिखालि उदालगुरिनि जर 'खा सत्र न्याथीश बिजिरसासलि एएसनि देउरीनि बिजिरसालिया जिउ जोबजासिम साजा हायो । दायनिगिरिफोरखौ जिउ जोबजासिम जेल साजा होनायजों लोगोसे साफ्रोमबो दायनिगिरिफोरखौ 20 रोजा रं जुरिमाना फोनाडो । मख 'नो गोनांदि, थानाय 2024 नि 22 जुनखालि टिउसननिफ्राय न'आव फैफिन्याय समाव सासे उन्दै हिन्जावसाखौ माजबात साहा बागानाव हान्जायै जिनाहारि खालामदोंमोन । बे जाथायनि दायनिगिरिफोरखौ गोखों साजा होनो ओन्सोलनि रइजो-रजाफोरा लामायाव ओंखास्तानै खुंदिखांदोंमोन आरो खुंदिखांनाय रइजो-रजाफोरा दायनिगिरि अभिजुल आलिनि न 'खौ सावनानै होदों ।

**( 1 बिलाइनिफ्राय )**

### जिल्ला खुंथायनि होबथानायखौ नेवसिन्या डाम्पारखौ लानानै बासुगावआव मोनै हान्जानि बुलाय-सोलाय

खर'आव गोब्राब जोखोम मोन्नायलाय बडाइगावनि गंसे फाहामसालियाव फाहामहैनो गोनां जायो । जाथाय बादियै लामा जाब्रबथायखौ होबथानो थाखाय चिरां जिल्लानि बासुगाव सहरआव हरनि 10 रिगानि सिगां गिलिर मटर-गारिजों लोगोसे डाम्पार खारनायखौ होबथानाय जादों । बेनि गेजेरवबो माखासे डाम्पार बिगोमाफोरा जिल्ला खुंथायनि खान्थि आरो बिथोनफोरखौ नेवसिनानै माल्लाबा सानाव आरो एखनब्ला हरआव बाला-अन्थाइ रोगानाय डाम्पारफोरखौ मुनानै सांग्रां रइजो-रजाफोरा बेनि हेंथा खालामो । नाथाय रइजो-रजानि बे हेंथा खालामनायखौ नेवसिनानै माखासे डाम्पार बिगोमाफोरा बाला-अन्थाइ रोगानायावनो बासुगाव कलेज रड नि मोखाडव माखासे लाइमोनफोरा होबथानानै डाम्पारफोरखौ लाखिनानै दोनो । बेखौ लानानैनो लाइमोन हान्जा आरो डाम्पार ड्राइभरफोरनि गेजेराव नांलाय-खमलाय जायो आरो उन समाव बुलायनायसिम सौहैयो । बे जाथायनि उनाव डाम्पार बिगोमा तसेर आलिनि हेंथायै बासुगाव थानायाव केस थिसनो आरो बेनि बिथायावनो तसेर आलिखौ पुलिसआ हमो ।

### गुवाहाटीआव इउबिपिएफ आफादनि मावखुलि गायसन्दों

जोनोम मोन्नाय राजखान्थि दोलोआ बर ' हारिनि गांनाय-उखैनायखौ सुफुंनो हागोन होनानै बुंथियो । दिनेंनि बे हाबाफारियाव इउबिपिएफ आफादनि मिरु कमिटिनि आफादगिरि ७ गाम्बार मुसाहारी आरो ७ बाबु बर 'मोनहा बाहागो लानायजों लोगोसे आफादनि गागि बोसोनगिरि देबन बर 'आबो बाहागो लायो । लोगोसेनो ओन्सोलनि आफादनि मावथि आरो दैदेनगिरिफोरबो बाहागो लानानै मेलखौ मेहेर गोनाडै जाफुंसार होयो ।

#### हादतखौ सोमावग्लुंनाय आर जि कर मेडिकेल कलेज जाथायनि

दायनिगिरि सन्जय रयखौ जिउ जोबजासे जोबथेसालिनि साजा होबाय जिउ जोबजासिम जोबथेसालिनि साजा होनायजों लोगोसे 50 रोजा रंबो जुरिमाना फोनाडो । मख 'नो गोनांदि, आर जि कर मेडिकेल कलेज जाथायनि दायनिगिरि हमजानाय सन्जय रयखौ थानाय शनिबारखालि बिजिरसालिया दायनिगिरि खालामदों ।

बे मुगैथाव जाथायनि 5 दाननि उनाव कलकातानि शियालदह बिजिरसालियावनो थानाय 2024 माइथायनि 9 आगस्टआव फाहामसालिनि सासे आइजो फाहामगिरिखौ जिनाहारि खालामनानै बुथासनाय जादोंमोन । बिजिरसालिया सन्जय रयखौ भारतआरि न्याय संहितानि 64, 66 आरो 103/1 धाराआव दाय हमदोंमोन । दिनें बिजिरसालियाव दिन्थिफैनायनि उनावनो बिजिरगिरिया सन्जय रयखौ ' दायनिगिरि ' होनानै नोंथांनो मिबथि होनाय जाबाय । नोंथाड जिउ जोबजासिम साजा एबा थैनायनि साजा मोन्नो हागौ । नोंथाड माबा बुंनांगौ दड नामा ? बेनि फिन्यायव सन्जय रयआ गाव जेबो खालामाखै, गावखौ फान्दायदोंसो । बे समाव गावखौ रुद्राक्ष गान्दोंमोन आरो बेबादि हाबा मावोब्ला रुद्राक्षफोरा बायजोबगौमोन । बिथाडा गावखौ जेबो रोखोमनि बाथा बुंनो होयाखैमोन होनानैबो अजद होयो । बिजिरगिरिया रयखौ थांखिनानै बै हरखालि मा जाथाय सोमजिदोंमोन बेखौ नोडो सोजाडैनो मिबथिगौ । जेसेबां फोरमान मोन्दोंमोन बेनि सायाव बिथा खालामनानैसो साजानि रयखौ होनाय जागोन ।

आर जि कर जाथायनि दाय साजा मोन्नाय सन्जय रयनि बिमाया साजानि सायाव फिनजाथाय होनानै बुंदों, पापनि हाबायाव लोहाबनाय पापि सुबुड माब्लाबाबो गावनि फिसा जानो हाया । बेराफारसे, बोलि जानांनाय आइजो फाहामगिरिनि बिमा-बिफाया बिजिरसालिनि राय होनायखौ गोजोन्नाय गैयै फोरमायदों । बिसोरनि लुबैनाय बादियै दायनिगिरि सुबुड जिउनां साजानि सोलायै थैनायनि साजासो मोन्नांगौमोन होनानै दुखुजों खौरां सुलुंनो फोरमायो ।

### मिरु दुलाराय बाथौ महासभाआ गौथार बाथौ सान खुंगोन

बाथौ आश्रम ' आव मिरुआरि महरै खुंनो थिं खालामदों । दिनें दुलाराय बाथौ महासभानि गहाइ फोसावदि नेहाथारि कान्तेश्वर बरगयारिआ मोनसे प्रेस बिबुंसारनि गेजेरजों बे खौरांखौ फोरमायहरदों । बिबुंसाराव मख 'नाय बायदियै, जामगुरिनि बा-राजा बाथौ आश्रमाव खुंनो गोनां 'गोथार बाथौ सान' फोर्बोआव बाथौ धोरोमनि खान्थि बायदियै गुबुन गुबुन हाबाफारि खुंनाय जागोन । बे गोथार बाथौ धोरोमनि सायाव मोनसे सावराय जथुमबो खुंनाय जागोन होनानै बिबुंसाराव मख 'नाय जादों । जामगुरिनि बा-राजा बाथौ आश्रमाव मिरुआरि महरै खुंनो गोनां गोथार बाथौ सानाव बाहागो लानो थाखाय दुलाराय बाथौ महासभानि मोनफ्रोमबो ओन्सोलारि आफादनिफ्राय थान्दै दैथायहरनो थाखायबो बिबुंसारनि गेजेरजों खावलायहरदों । बेजों लोगोसे दरफ्रोमबो गामियावनो ' ज ' लोगोनानै आरो नख 'रफ्रोमावबो 28 जानुवारिखालि गोथार बाथौ सान फालिनो गहाइ फोसावदि नेहाथारि बरगयारिआ खावलायहरदों ।

### हाग्राजुलि बियाब दुलाराय बाथौ गौथुमनि रुफाथि

#### माइथाय फोरबो फालिथाइ, लोगोसे खुंगा 8थि

#### थाम बोसोरारि जथुमाया सोलिगासिनो

दोहोरामनि गोथार फिरफिला बिरहोनाय, गोथैसि बाउनाय आरो बारग ' बिबानगिरिफोरनो मान बाउनाय, बिसम्बि बेखेवनाय आरो लाइमोन आरो माइनाव आफादनि गेवलां मेल हाबाफारिफोर लानाय जायो । हाग्राजुलि बियाब दुलाराय बाथौ गौथुम माइनाव आफादनि आफादगिरि फबानि उजिरनि मासि लानानै दैदेन्याय गेवलां मेलखौ बेखेवनानै होयो दुलाराय बाथौ गौथुम लाइमोन आफादनि आफादगिरि राजेस बसुमतारि बिथाड आरो गहाइ आलासि महरै बाहागो लायो दुलाराय बाथौ गौथुमनि फोसावदि नेहाथारि लखिराम बसुमतारि बिथाड । लोगोसे थांखिजानाय बुंथिगिरि महरै सनिदपुर जिल्ला दुलाराय बाथौ गौथुम माइनाव आफादनि बुंथिगिरि मिनुथि स्वरगियारि बिथाड, सनिदपुर जिल्ला आरो बियाबनि गोबां बिबानगिरिफोरबो बे हाबाफारियाव मैखौमै बाहागो लायो ।

**( 1 बिलाइनिफ्राय )**

### सिउल रड श्व 'आव गिबि मन्थि ड० शर्मा

सोमोन्दै फोरमायथियो । बिथाड भारतनि गहाइ मन्थि नरेन्द्र मदिनि दैदेन्यायव मिरु सरकारआ आसामजों लोगोसे सा-सान्जा ओन्सोलनि जौगाखानायनि थाखाय जरखा गोनांथि होनानै फैदों । गहाइ मन्थि मदिआ जागायनाय एक्ट इस्ट पलिसिनि बाथा रायखानानै गिबि मन्थिआ बुंबावदोंदि, बे खान्थिफोरनि थांखियानो जादों खोला सान्जा आरो खोला सान्जा एसियानि हादतफोरजों भारतनि सोमोन्दोखौ गोखों खालामनो थाखाय आसामखौ खोला सान्जा एसियानि दरखं मोखां महरै गनायथिनाय जादों । खोला करियाआव इन्डियान सेम्बार्स अब कमार्सनि बान्जायनायाव खुंनाय बे रड श्व 'आव बाहागो लानानै गिबि मन्थि ७ शर्मांआ हादतनि सा 140 निखुइ बांसिन फालांगियारि फसंथाननि बिबानगिरि गहाइ आरो गोजौ थाखोनि उद्यगगिरिफोरजों सावरायलायो । एडभान्टेज आसाम 2.0 नि फारसे खोला करियानि गोसो-गुदु उद्यगगिरि आरो फालांगिरिफोरा गोसो-गुदु जानाय फोरमायनायखौ बाख्नायो आरो बुडोदि, गोख्रै जौगाफुनाय गिदितथार रंखान्थियारि महरै भारतआ मुलुगनां रंखान्थियाव जायगा आवग्रिनो हानाया बिथांमोनखौ थुलुंगाखां होदों । बिथाड लोगोसे बुंबावोदि, आसामआ भारत आरो खोला करिया फारनैनिबो मुलाम्फा लाबोनायनि थाखाय खोला करियानि फालांगिरि आरो उद्यगगिरिफोरनो गुबुन गुबुन रोखोमनि खाबु गथायनाय जागोन । फैगौ 25 आरो 26 फेब्रुवारीआव गुवाहाटीआव खुंनो गोनां एडभान्टेज आसाम 2.0 आव बिथांमोननि बाहागो लाफैनाया आसामनि जौगाखानायनि बेलायाव थिसन्थायनि थाखाय मोनसे थासारि लाबोगोन । रइज्योनि दावबाय फोथारजों लोगोसे साहा बागान, समाइना रिजटजों लोगोसे इउनेस्कनि मोनथाम वाल्डै हेरिटेज साइटआबो आसामावनो थानायलाय दावबायारिफोरखौ गोसो बोनो आरो बिसोरनि मोजं मोन्नाय रंजा-बाजानिबो रहा खालामनो हाथावना दड होनानै बिथाड बुडो । रड श्व 'नि उनाव ७ शर्मांआ करिया ट्रेड इन्भेस्टमेन्ट प्रमशन एजेन्सिनि आफादगिरि किउंमुं कार्डनि दैदेन्यायव मोनसे थान्दै हान्जाजोंबो सावरयो । बिथाड एडभान्टेज आसाम 2.0 गुदि बिथा आरो थिसन्थाय जथुमसिम बिथांमोनखौबो खावलायो । दावबायारि बिथिडव आसामनि गोबांथार मिजिंथिथावना आयदाफोरखौ रायखानानै बिथाड बुडो, जागिरडआव गायसन्नो गोनां सेमिकन्डाक्टर उद्यगनि हेफाजाबै बुहमनि देरसिन अ 'एसटि ( आउट सर्स सेमिकन्डाक्टर एसेमब्लि एन्ड टेस्ट ) सुफुंथाय महरै आसामखौ दाफुंनायनि बिथांथि लानाय जादों ।

बेनि अनगायैबो गिबि मन्थिआ खोला करियानि अट'मबाइल आरो बेनि लोब्बा फसंथानफोरनि गहाइ मावफुंगिरि आरो गोजौ थाखोनि बिबानगिरिफोरजोंबो सावरलायो । गिबि मन्थिआ बिसोरखौबो आसामाव हान्खायनानै रइज्योआव अट'मबाइल आरो लोब्बा गोनां मुवा दिहनुनायनि बेलायाव आसाम सरकारआ मदत होगोन होनानै बाथा होयो । खोला सान्जा एसियानि 100 बिलियन डलारनि भारतआव अट'मबाइल उद्यग फोथाराव हाबनो थाखाय बिथांमोनखौ आसाम सरकारआ गासैबो रोखोमनि रहा खाबु होनाय जागोन होनानै गिबि मन्थिआ बुडो ।

### कक्राझारआव बड'लेन्ड स्पटर्स मिट-3.0 गेलेमु बादायलायनाया जागायबाय

खुंबोनाय बायदिनो बे बोसोरावबो 3थि खेबनि थाखाय बड'लेन्ड स्पटर्स मिट-3.0 खौ खुंनाय जादों । बिटिआरनि गहाइ राजथावनि नोगोर कक्राझारनि कातालगुरियाव थानाय साइ स्टेडियामआव बड'लेन्ड स्पटर्स मिट-3.0 आ दिनेंनिफ्राय जागायबाय । 20, 21 आरो 22 जानुवारि, 2025 सानथामनि हाबाफारिजों खुंजागोन बे बड'लेन्ड स्पटर्स मिट-3.0 खौ दिनें बिटिआरनि गहाइ मावफुं सोद्रोमा प्रमद बर 'आ बेखेवनानै होयो । सानथामनि हाबाफारिजों खुंजांनो गोनां बे बड'लेन्ड स्पटर्स मिट-3.0 आव बिटिआरनि दर 5 जिल्ला फारियै- कक्राझार, चिरां, बाक्सा, उदालगुरि आरो तामुलपुर जिल्लानिफ्राय गासै सा 1,200 नि बांसिन गेलेगिरिफोरा बाहागो लाफैदों । दर 5 जिल्लानिफ्राय बाहागो लाफैनाय लाइमोन गेलेगिरिफोरा गुबुन गुबुन गेलेमु जैरे- एथलेटिक्सआव खारनाय, बारनायखौ लाफानानै भलिबल, फुटबल, काबाडी, आर्चारि, बर'नि गोजाम दोरोडारि गेलेमु आरो पेरा स्पटर्सनि गेलेमु बादायलायगोन । दिनें जागायजेन्नाय गिबि सानखालि बिटिआरनि गहाइ मावफुं सोद्रोमा प्रमद बर'आ गहाइ आलासि महरै बाहागो लानानै गिबिआव बड'फा उपेन्द्रनाथ ब्रह्म आरो बर'नि दोरोडारि गेलेमु गायसनगिबि आयं चानक्य ब्रह्मनि सावगारियाव बिबारजों मान बाउनायनि उनाव गोजोननि थाखाय बेलुन बिरहोनानै सानथामनि हाबाफारिजों खुंनो लानाय बे बड'लेन्ड स्पटर्स मिट-3.0 खौ बेखेवनानै होयो । गावनि बेखेव बिबुंथियाव बिटिआरनि गहाइ खुंगिरि प्रमद बर'आ बिटिआर हालामाव गेलेमुखौ जौगा होनाय आरो गेलेगिरिफोरखौ थुलुंगा होनायनि थाखाय बिटिआर सरकारआ लानाय थांखिखौ फोसावनानै होयो । बिथाड फोरमायदोंदि, बिटिआर हालामनिफ्राय जायफोर गेलेगिरिफोरा माहारियारि आरो हारिमायारि थाखोनि गेलेमु बादायलायनायाव मेडेल देरहाबोनो हागोन बिसारो गेलेगिरिफोरनो बोसोफ्रोमबो आयं चानक्य ब्रह्मनि मुडै बान्था होनाय जागोन आरो 3 बोसोरनि उन-उन सा 100 मोजां गेलेगिरिफोरनो कनकेववर नाजार्नि बान्था होनाय जागोन । आथिखालाव गेलेमुआ केरियार दानायनि मोनसे बिजों महरै गायसनजाबाय । बेनि थाखायनो सोलिफु बिटिआर सरकारआ बिटिआर हालामाव गेलेमुखौ जौगाहोनाय आरो गेलेगिरि सोरंजिनायनि थांखिजों थादनाय गैयै गेलेमुनि फासैं खामानि मावगासिनो दड । बेखौ नोजोर बोनानैनो बिटिआर सरकारआ दासान्दि मोनफ्रोमबो बियाबआव स्टेडियाम लुफुंनारनि खामानिखौ मावगासिनो दड । फैगौ 2025-26 रंखान्थि बोसोर हाबनाय लोगो-लोगो बिटिआर सरकारआ कक्राझार आरो बाक्साआव 500 गेलेगिरिफोर थानो हानाय सुबिदा गोनां हस्टेल लुफुंनो थाखाय थांखि लानाय जादों । लोगोसे उदालगुरियाव गंसे स्पटर्स एकाडेमि गायसन्नारनि खामानिया थाबैनो जानो थांगामिनो दड होनानै फोरमायो बिटिआर गहाइ खुंगिरि प्रमद बर'आ । दिनेंनि बे बड'लेन्ड स्पटर्स मिट-3.0 गेलेमु बादायलायनायखौ बेखेवनायखौ बेखेवनायखौ प्रमद बर 'जों लोगोसे गेलेमु आरो लाइमोन अन्साइ बिफाननि मावफुं सोद्रोमा दावबाइसा बर ', मावफुं सोद्रोमा सजल सिं, 135 नं. बेटेलियन टेरिटिरियेल आर्मिनि कामार्निड अफिसार कर्नेल गौरभ नेथि, कक्राझार मिउनिसिपालीटि बर्डनि मासिगिरि प्रतिभा ब्रह्म, तामुलपुर बियाबनि बारग ' एमएलए सन्दि बसुमतारिजों लोगोसे कक्राझार जिल्ला गेलेमु गौथुमनि बिबानगिरिफोर आरो गेलेमु बिफाननि गोबां मावख 'गिरिफोरबो बाहागो लाफायो ।

### ड० बिआर आम्बेदकार फाहामथाय आरो पेरामेडिकेल इन्सटिटिउटखौ जिल्ला खुंथाया चील खालामबाय

सोलिबाय थानाय आइन बरेखा आरो गनायथि जायै देहा बिज्ञान फसंथानफोरनि सायाव मोनसे गुवार हाबाफारिनि बाहागो महरै खालामनाय जादों । आसामाव देहा बिज्ञान आयदाखौ जायखि जाया सोलांथाय एबा फोरोंथाय होनायनि ( जैरे- फार्मासि, नार्सि, फिजिअथेरापि, लेब र्टरि टेक्निसियान बायदि ) नि बेलायाव जायखि-जाया रोखोमनि फसंथान गायसन्नारनि थाखाय श्रीमन्त शंकरदेब देहा बिज्ञान बिश्वबिद्यालयनिफ्राय गनायथि मोन्नायनि गोनांथि जायो । बेनि अनगायै गुबुन रइज्यो आरो गावआरि खोन्दोनि बिश्वबिद्यालयनि फसंथान जायोब्लाबो श्रीमन्त शंकरदेब देहा बिज्ञान बिश्वबिद्यालयआव एपिलिएसन ( Affiliation ) जानांगौ होनानै आसाम सरकारआ फोसावथायाव ( Notification No. MER 307386/2 dated 06-06-2023 ) फोसावखानाय दड । गोजौआव मख 'नाय फसंथानआ बे बेलायाव गोनांथि जानाय बादियै गनायथि लायाखै एबा एपिलिएटड जायाखै । बेखायनो कक्राझार जिल्ला खुंथाया आलादायै बिथोननि गेजेरजों बे फसंथानखौ दिनें चील खालामना होयो होनानै जिल्ला खुंथायनिफ्राय मिबथिनो मोन्नाय जादों ।

### गोजोन-खौसेथिनि थाखाय उदालगुरिनिफ्राय गहपुरसिम ब्रह्म धर्म आफादनि बाइक रेलि

धोरोमारि आफाद दुलाराय ब्रह्म धोरोम आफादनि सनाथि माइथाय फोर्बोंजों लोगोसे लोब्बा लाखिनानै उदालगुरियावबो जर'खा हाबाफारि खुंनो लानाय जादों । बे हाबाफारि बादियै उदालगुरि जिल्ला ब्रह्म धोरोम लाइमोन आफादनि बान्जायनायाव उदालगुरि सहरनिफ्राय सान्जाहा फारसे थानाय गहपुरसिम गिदिर गोजोननि बाइक रेलि खुंनाय जायो । गहपुरव खुंनो गोनां दुलाराय ब्रह्म धोरोम आफादनि सनाथि माइथाय फोर्बोंजों लोब्बा लाखिनानै खुंनाय बे गोजोननि बाइक रेलिखौ उदालगुरिनि मानिजाथाव समाज सिबियारि मिनन मुसाहारिआ बेखेवनानै होयो । बेनि उनाव मुसाहारिआ सदाव बिबुंथिनि गेजेरजों गोजोन गायसन्न्याय, समाज फोसाबनाय आरो बिदा-फंभ्याय अनलायनाय लाबोनो थाखाय ब्रह्म धोरोम आफादना आजायवाय हाबाफारि लानायनि थाखाय सबायखर ' होनायजों लोगोसे लाइमोन हान्जाया सिगांबोयोब्ला समाज असायनायनि थाखाय गासैबो जाफु

## गाहाम देहानि राहा

### गुर मिथाइआ माखासे बेरामनि थाखाय मुलाम्फा गोनां

गुर मिथाइआ फाइबर, आयरन, केलसियाम, मेगनेसियाम, पटेशियम आरु भिटांमिन बि-6 बायदि गोबां बिबांनि निउट्टियेन्टफोर थायो। बेनि थाखाय गुरखौ सुपार फुडबो बुंनय जायो। थार बिबाडव आरु थार लामाजो गुर मिथाइखौ जानानै जों गावनि सावस्त्रिखौ गोखों खालामनो हायो। गुर मिथाइआ जोंखौ गोबां बेरामफोरनि गाग्लोबनायनिफ्राय रैखा होनो हागौ। नोंथाड गुर मिथाइ जानानै जरायाव सानायनिफ्राय रैखा मोन्नो हायो। केलसियामजों बुंफबनाय गुरआ मोदोम आरु बेगोंफोरखौ गोखों खालामनायाव गोहोम गोनां जानो हागौ। बेनि अनगायैबो, बेयाव मोन्नया गासैबो गुदिमुवाफोरा एनीमियानि खैफोदखौ बाडव खालामनो हागौ। ब्लाड प्रेसारखौ



सामलायनो थाखाय गुरखौ सानफ्रोमबोनि आदार रटिनाव सोफानो हायो। जाग्रा आदार जाखांनयनि उनाव गुर जानाया बांसिन मुलाम्फा गोनां होन्ना मानिनाय जायो। नाथाय हराव उन्दुनार्यनि सिगां गुर मिथाइखौ जानो नाड। गुबुन फारसेथिं, जुदि नोंथाड जाग्रा आदार जाखांनयनि उनाव गुर जायोब्ला नोंथाड गेस आरु एसिडि बायदि जेनानि बोलि जानायनिफ्राय बारग'नो हायो। गुर मिथाइ जानाया बिबु

सावस्त्रिनि थाखाय जोबोद मुलाम्फा गोनां जानो हागौ गोजां बोथोराव मेंनाय, लोरबाथिनिफ्राय रैखा मोन्नो थाखाय गुरखौ जानो हायो। गुर जायोब्ला देहानि गोहोनि थाखोखौ बांहोनो हायो। जुदि नोंथाड देहानि मेटाबलिजमखौ साबसिन खालामनो लुबैयोब्ला सामफ्रोमबो गुर जानो जागायनो हायो। बेनि अनगायैबो गुरआ नोंथानि देहाखौ डिटाक्सिफाइ खालामनायावबो गोहोम गोनां जानो हागौ।

## बिग बस 18 नि उइनारखौ मोन्जो हावाय

पार्सनेलिटि गोनां स्व 'बिग बस 18' हिन्दी सिजनआ जोबना थांबाय आरु तामिलआव मोन 8 सिजनआ कमप्लिट जाबाय। थांनय मोनायाव मोनैबो सिजननि ग्रेन्ड फिनालेआ दंमोन, जायनि उइनारनि मुंखौबो एनाउन्स खालामनाय जादों। बिग बस 18 नि उइनारआ करणभिर मेहरा जादों, गुबुन फारसेथिं बिग बस तामिल सिजन 8 नि ट्रिफिखौ मुत्थु कुमारआ मोन्नो हादों। गोबां भटफोर मोन्नो हानायजों लोगोसे मुत्थु कुमारणआ बिग बस तामिल सिजन 8 नि ट्रिफिखौ गावनि मुंखौ खालामदों। बिथांआ सिजननि बयनिखुइबो गोखोंसिन कन्टेस्टेन्टमोन। बिथांआ रायन, सौन्दरिया, भिशाल आरु पबित्र जननिखौ फेजेन्नो हादों। 19 जानुवारीखालि खुंफुनाय बिग बस तामिल सिजन 8 नि उइनार मुत्थु कुमारणनो हस्ट भिजय सेतुपतिआ ट्रिफि गथायदों। भटनि बिथिआव सौन्दरियाआ बिथांजों समग्रा समब्रि जादों, नाथाय बिथांआ इसे खम भट मोन्नयनि जाहोनाव उन जाना



थालाडे आरु फास्ट रनार-आप जानानै गोजोन्नाय थानाडो। देरहासर जानायनि उनाव मुत्थु कुमारणआ 40 लाख 50 रोजा रॉनि बान्था होनाय जायो। कराइकुरिनि थागिबि 27 बोसोर

बैसोनि मुत्थु कुमारणआ टिभि एबा फिल्म स्टार नड, बिथांआ सासे इडुदुभारसो। जायखौ पार्सनेल बलगसफोर आरु सावथुननि रिभिउजफोरनि थाखाय मिबिथिनाय जायो।

बिथांआ 2019 आव गावनि इडुदु चनेलखौ जागायदोमोन आरु आधिखालाव बिथांनय कौटि कौटि अन्साइगिरिफोर दं। सुबुंफोर बिथांनि सावथुन रिभिउ होनाय स्टाइल एबा बलगफोरखौ जादों।

जोबोद मोजां मोनो। बिग बस देरहानायनि देरसिन जाहोनानो जादों स्व 'आव क्लेरिटी जानानै गलेनाय। स्व 'आव सुबुंफोरआ बिथांनि दावबायनायखौ जोबोद रंजानाय लादों, जायनि गोहोजों बिथांआ ट्रिफि देरहानायाव जाफुंसारो। बे सिजनआव गोखों अपेनिनयन आरु गोमनि गेजेरजों टप 5 आव जाय कन्टेस्टेन्टफोर जायगा बानायनो हादों बिथांमोननि मुंआनो जादों सौन्दरिया, रायन, भिशाल आरु पबित्रा। रायनआ 5 थि आव थादों, पबित्राआ ब्रैथियाव आरु भिशालआ टप 3 आव फेदों। टप 2 आव सौन्दरिया आरु उइनारआ मूत्थु कुमारणआ जादों।

## रणबिर कापुर आरु भिक्कि कौशलखौ जयै 'धुम 4' सावथुनाव नुनो हागौ

बलिउडनि एक्सन ड्रामा सावथुन 'धुम 4' खौ लानानै हमदांनय जादोंदि बे सावथुनाव गोदान स्टार कास्टखौ फाइनाल खालामबाय। अभिषेक बच्चन आरु उदय चपडानि फावआव बे खेबाव बलिउडनि गुबुन स्टारफोरखौ नुनो मोनगोन। 'धुम 4' भिक्कि कौशलआ बे फ्रेन्चाइजिआव



फ्रेन्चाइजिआव जेब्लायबो एक्सनजों बुंफबनाय सिनफोरखौ नुनो मोनो। जेब्लायबो गोदान खोन्दोआव गोदान फावगिरिफोर थायो। जन आब्राहम, ऋतिक रशन आरु आमिर खानआ सिमांनि

खोन्दोफोरव दंफायोमोन। बे खेबाव रणबिर कापुरआ बिथांनि जायगाखौ लानो हागौ। जुदि गासिबो मोजाडै नो सोलि लाडोब्ला रणबिर आरु भिक्किखौ सन्जय लिला भन्सालिनि 'लाभ एन्ड वार' नि

अनगायै 'धुम 4' आवबो जयै खामानि मावगोन। अभिषेक बच्चननि अनगायै उदय चपडुखौबो 'धुम 4' सावथुनाव रिप्लेस खालामनो हागौ। मख 'नो गोनांदि, जेब्लासिम अफिसिएल फोसावनाय जाया बेफोरखौ नुंभुबै होन्ना सान्जाया मानोना बेफोर हमदांनयसो। 'धुम' सावथुनाव इसा देअल दंमोन, धुम 2' आव एश्वर्या राय बच्चन आरु धुम 3 आव केट्टिना केफआ गाहाइ बिफाव होदोंमोन। 'धुम 4' आव सोर फावखुंघ्रिखौ एक्सन मडआव नुनो मोनगोन बेयो थि जानो दंबावो।

## कल्डप्ले दंखोगिरिया भारतीय सुबुंफोरनि गोसोखौ देरहानो हादों



मुम्बाइनि डिवाइ पाटिल स्टेडियामआव कल्डप्लेनि 'मिउजिक एफ दा स्पियर' कन्सार्टनि गेजेरजों दंखोगिरि क्रिस मार्टिनआ गावनि अन्सायगिरिफोरखौ फिन खेबसेबाव गोमोहोदों। दंखोगिरिया कन्सार्टआव खालि गावनि मेथाइ रोजाबनायजौल' सुबुंफोरनि गोसोआव जायगा बानायाखै। बिथाडा गावनि गोसो बोनो हानाय

सोदोबफोरजोंबो सुबुंफोरनि गोसोखौ गलिहोदों। क्रिसआ ब्रिटेनआ भारतनि सायाव शासन खासामनायनि गेजेरजों इनाय-अनागार खालामनायनि थाखायबो निमाहा बिदों। कन्सार्टनि बे भिडिआ सशेल मिडियाआव गोखोयै भाइरल जागासिनो दड। क्रिस मार्टिनआ कन्सार्टआव दिन्थिफुनायनि गेजेरजों बेवहाय बाहागो लाफेनाय एबा नुजाथिफेनाय

सुबुंफोरजों सोमोन्दो लाखिनानै बुडोदि, बेयो भारतआव जौनि ब्रैथि खेब दावबायनाय आरु नैथि खेब दिन्थिफुनाय। गिबि खेब जों मोनसे गोबाव स्व 'खालामदों। दिने बेयाव नुजाथि फेनायनि थाखाय नोंथांमोन गासैबोनिमिस साबायख 'र थाबाय। बिथाडा आरुबाव बुडोदि, बेयो जौनि थाखाय गोमोथावना जे नोंथांमोनहा जोंखौ बरायदों, जों ग्रेट

ब्रिटेननिफ्राय फेदोंब्लाबो नोंथांमोनहा जोंखौ अन्सायदों। ग्रेट ब्रिटेननि गासै गात्रि खामानिफोर मावनाय आरु जोंखौ निमाहा होनायनि थाखाय साबायख 'र थाबाय। बेनि सिगांबो क्रिसआ अन्सायगिरिफोरखौ 'जय श्री राम' होन्नानै गोमो होदोंमोन। कन्सार्टनि गेजेरजों बिथाडा अन्सायगिरिफोरनि थिखोनाय प्लेकार्डखौ फरायबाय थादोंमोन। मोनसे प्लेकार्डआव 'जय श्री राम' लिनाय दडमोन। मार्टिनआ बेखौ फरायो, जायनि उनाव नायगिरिफोरा बयबो आखाइ खबजबो। बिथाडा बेनि ओंधिया मा होन्नानैबो सोलु खालामो। स्व 'नि गेजेरजों बेन्डआ गावसिनि मुंदांखा ट्रेकखौ होयो, जेराव पेराडाइज, भिभा ला बिदा, एडभेन्चर अफ ए लाइफटइम आरु येल' आबो दंफायोमोन।

## आर माधभनआ हिन्दी सावथुन मुलुग आरु साउथनि सावथुन मुलुगनि फारसे माखासे बाथा सावरायदों

आर माधभनआ मुंदांखा फावखुंघुरफोरनि मादाव सासे। बिथांआ साउथ इन्डास्ट्रीआव बेसेबां अन्नाय मोनो, हिन्दी इन्डास्ट्रीआवबो बिथांनि एसेबांनो अन्साइगिरिफोर दं। बावैसो सिगां आर माधभनखौ हिन्दी आरु साउथआव सावथुनफोरखौ दिहनाय आरु जेनेरेशन सोलायनायनि सायाव बाथा सावरायनाय नुनो मोन्दों। बिथांआ बुडोदि, हिन्दी सावथुन मुलुगआव कन्टेन्ट बांनय बेसिन रुजुनायाव तेलुगु आरु मालायलम सावथुन मुलुगआ बबेयाव दं? आर माधभनआ बावैसो सिगां निउज 18 शशाजों सावरायलायनायनि गेजेरजों सावथुन मुलुगनि थासांरि सोलायनायनि सायाव बाथा सावरायनाय नुदों। फावखुंघुरआ बुडोदि, बलिउडआ गोबां सोलायबाय नाथाय तेलुगु सावथुन मुलुगा दासिमबो गोदोनि बायदिनो दं।



आर माधभनआ बुडोदि, 'जुदि नोंथांमोनहा एसएस राजामौलि आरु तेलुगु इन्डास्ट्रीनि हाइ बाजेट सावथुनफोरनि फारसे नायोब्ला नुनो मोनगोनदि, दासिमबो सिगांनि बायदिनो दं। बेवहाय भारतनि फिसा सहरफोरनि जारिमिननि नुथाइखौ थारैनो नुनो मोनगोन। बिथांआ बाहुबलि, आरुआरआ एबा पुष्पा बायदि सावथुनफोरखौ बानायनायाव गोबां रं नादों। उनाव बेनि सल 'फोरखौ दिन्थिनाय आरु बिखौ गोखोडै दिन्थिनायावबो जोबोद नांथावदों। बेनि अनगायै

मैडिआ मालायलमनि बुंनय बायदिब्ला, बलिउडआ गाहाइ महरे कन्टेन्ट आरु फावफोरनि बिथिडाव नांथाबनायाव जाफुंसारदों। सरासन्ना बाजेटनि सावथुनफोरावबो बिथांमोनहा मोजाडै दिन्थिफुंगासिनो दं। तेलुगु इन्डास्ट्रीआव माब्लाबा

माब्लाबाबो गिदिर बाजेटनि सावथुनआ रिलिज जायो आरु फलप जायो। अदेबानि इन्डास्ट्रीआ मोनसे गात्रि थासांरिजों मोगा-मोगि जानाना दं आरु थाबैनो गोदान कन्टेन्ट आरु थुलुंगानायजों लोगोसे नायगिरिफोरखौ नायगोमो होगोन।

पुलिसनि बायदिब्ला दायनिगिरिया गावनि दायखौ सिमान लाबाय। 30 बोसोर बैसोनि दायनिगिरिनि खालामबाय। पुलिसनि बायदिब्ला दायनिगिरिया गावनि दायखौ सिमान लाबाय। 30 बोसोर बैसोनि दायनिगिरिनि

मुंआ महम्मद शरिफुल इस्लाम शहजाद, जायखे बालादेशनि होन्नानै मिबथि होनाय जादों। मोनसे प्रेस कन्फ्रेन्सआव

पुलिसआ मिबथि होदोंमोनदि, बेयो थांनय 5-6 दाननिफ्रायनो मुम्बाइआवनो थानानै दंमोन आरु मोनसे हाउसकिपिं एजेन्सिआव खामानि मावदोंमोन। सेफ आलि खाननि सायाव गाग्लोबनाया माखासे बलिउड सेलेब्रिफोरखौ गोमो होदों। फावखुंघुरि भाग्यश्रिआबो संखिदों। बिथांआ एएनआइजों लोगोसे बाथा सावरायलायनायाव बुडोदि, जों मुम्बाइआव थायो आरु जाय जाथायआ जानानै थादों बेखौ जों जोबोद दुखु मोन्दों, मानोना मुम्बाइखौ भारतनि बयनिखुइबो

उन्दैनिफ्रायनो बिथांआ गावखौ नख 'रनिफ्राय आलादा मोन्दाडो। बेफोर बाथ्राखौनो कबिर बेदिआ खोनासंहोदोंमोन। मख 'नो गोनांदि, महेश भाट्टआबो सानसेखालि मिबथि होदोंमोनदि, फावखुंघुरिया सम सम पेनिक एकेटबो जायोमोन। 1972 निफ्राय 1991 सिम फावखुंघुरि हिसाबै पारभिन बाबिआ सावथुन मुलुगआव एक्विथ थादोंमोन। बबेखानि 20 जानुवारी 2005 आव मुम्बाइनि थाग्रा न'आव पारभिन बाबिनि गोथै सह'खौ मोन्दोंमोन।

## सेफ आलि खाननि सायाव गाग्लोबग्रा दायनिगिरिखौ ग्रेप्टार खालामबाय



सांथामनि गेजेराव मुम्बाइ पुलिसआ थानानिफ्राय सेफ आलि खानखौ गाग्लोबग्रा दायनिगिरिखौ ग्रेप्टार

खालामबाय। पुलिसनि बायदिब्ला दायनिगिरिया गावनि दायखौ सिमान लाबाय। 30 बोसोर बैसोनि दायनिगिरिनि

मुंआ महम्मद शरिफुल इस्लाम शहजाद, जायखे बालादेशनि होन्नानै मिबथि होनाय जादों। मोनसे प्रेस कन्फ्रेन्सआव

पुलिसआ मिबथि होदोंमोनदि, बेयो थांनय 5-6 दाननिफ्रायनो मुम्बाइआवनो थानानै दंमोन आरु मोनसे हाउसकिपिं एजेन्सिआव खामानि मावदोंमोन। सेफ आलि खाननि सायाव गाग्लोबनाया माखासे बलिउड सेलेब्रिफोरखौ गोमो होदों। फावखुंघुरि भाग्यश्रिआबो संखिदों। बिथांआ एएनआइजों लोगोसे बाथा सावरायलायनायाव बुडोदि, जों मुम्बाइआव थायो आरु जाय जाथायआ जानानै थादों बेखौ जों जोबोद दुखु मोन्दों, मानोना मुम्बाइखौ भारतनि बयनिखुइबो

रैखाथि सहरफोरनि मादाव मोनसे होन्नानै मानिनाय जायोमोन। बेनिखायनो जाथायनि उनाव बयबो जिंगा सिनो गोनां जादों नाथाय पुलिसआ गावसिनि खामानिखौ मोजाडै नो मावागिसिनो दं आरु गोदान खौरांनि बायदिब्ला, दायनिगिरिखौ बे'खनआव लाबाय। दायनिगिरिखौ बालादेशनि होन्नानै मिबथिनो मोन्नयनि उननिफ्रायनो सुबुंफोर जिंगा सिनो गोनां जादों। बावैसो सिगां भाग्यश्रिआबो बेनि सायाव रिप्लेस होदों।

## ऋषभ पन्टआ लखनौ सुपार जइन्टसनि केप्टेन सायख जाबाय

गोदान दिल्ली, 20 जानुवारी: आईपीएल 2025 नि सिजनआ फेगौ 21 मार्चनिफ्राय जागायगोन। बे दुर्नामेन्टआ जागायनायनि सिगांनो हान्जाफोरा केप्टेनफोरनि मुंखौ फोसावगसिनो दड। थानाय माखासे सान सिगांसो पान्जाब किंसआ श्रेयस अय्यरखौ केप्टेन फोसावदों। बेबादि समावनो लखनौ सुपार जइन्टसआबो ऋषभ पन्टखौ हान्जानि केप्टेन फोसावबाय। लखनौनि हान्जाया अक्सनआव बिथांखौ 28 कौटि राडाव बायदोंमोन। जेराव बे बेसेनआनो आईपीएलनि जारिमिनआव बेसेन गोसासिन थिसनजादों। पन्टआ बेनि सिगां दिल्ली केपिटेल्सनि थाखाय केप्टेन सायख जाबाय। लखनौनि हान्जाया



आईपीएलआव 2022 निफ्राय बाहागो लाबोदों। जेराव थानाय 2022, 2023 आरों 2024 आव के एल राहुलआ गान्जानि केप्टेनआव दडमोन। जेराव बिथानि दैदेनायवनो हान्जाया 2022 आरों 2023 आव प्लेअफनि थाखाय क्वालिफाइ जादोंमोन। नाथाय 2024 आव बिथाडा हान्जाखौ गोजेनाय बादि थाखोसिम लानो हायाखे।

केएल राहुलखौ मेगा अक्सननि सिगां लखनौआ रिटेनबो खालामाखे। बे खेबआव राहुलखौ दिल्ली केपिटेल्सनि थाखाय गेलेनाय नुनो मोनगोन। लखनौनि हान्जाया गोदान केप्टेनजों बे खेबआव गोखौ मिजिंज कजों सेलेन्जआव ओंखारगोन। मानोना गोबाडनो ऋषभनिफ्राय बे खेबआव जरखा मिजिंथि लादों।

## आसाम अलिम्पिक गौथुमआ उत्तराखण्डसिम दावबायनो गोनां गेलेगिरिफोरनो किट गथायदों

गुवाहाटी, 20 जानुवारी: आसाम अलिम्पिक गौथुमआ सरसजाइ स्पर्टस कमप्लेक्सआव खुंफुनाय मोनसे हाबाफारनि समाव जानो गोनां 38 थि नेसनेल गेम्सनि थाखाय राइज्योजों सोमोन्दो थानाय जासिखौ बेखेवनाने होयो। बे हाबाफारिआवनो एथलीटफोरनो गौथुमआ गेलेनायजों लोब्बायाव सोमोन्दो थानाय किटफोर रनाने होयो। जेराव बे किटआ हान्जानि थाखाय मावख यारि महरे दैथायहरजानायखौ सिनायथि होयो। फेगौ 28 जानुवारिनिफ्राय उत्तराखण्डआव खुंजानो गोनां बे इभेन्टआव आसामआ मोन 22 बादायलायनायाव बाहागो लानो



थाखाय जान्जि खाफ्रादों। जेराव राइज्योनिफ्राय सा 237 एथलीटफोरनि हान्जाया सेलेन्जआव ओंखारगोन। द्रायथलान हान्जाजों लोगोसे माखासे गेलेगिरिफोरा

मंगलबारखालि थावनिसिम दावबायगोन। बे हाबाफारिआव आफादगिरि आरों मिरु मन्थि सर्वानन्द सनवालजों लोगोसे सिनियर लेडाइ आफादगिरि आरों आसाम केबिनेटनि मन्थि

पियुष हाजरिका, जयन्त मल्ल बरुवा, रं दोशुमगिरि अशक भराली, गेलेमु मन्थि नन्दिता गार्लचा आरों माखासे गोखौ थाखोनि बिबानगिरिफोराबो नुजाथिफेयो। गावनि बिबुंथिनि समाव हाबाफारिआव नुजाफेनाय लक्य कनवारआ एअएजों

थियारि खालामजानायनि सायाव बाखायनाने गेलेगिरिफोरखौ खुंजानो गोनां बे इभेन्टआव हानायमानि मोजाडै दिन्थिफुनो थुलंगा होयो। बे समाव मिरु मन्थि पियुष हाजरिका आरों जयन्त मल्ल बरुवाआबो हान्जानिसिम गहाम हामलायथि हरो। लोगोसे एथलीटफोरनिसिम सरकारनि नोजोर आरों मददआ जेब्लाबो थालांगोननि खोथा होयो। गुबुन फार्से गेलेमु मन्थि नन्दिता गार्लचाआ राइज्योआव गेलेमुनि फोथारआव खेल महारननि गेजेरजों जरखा जौगानाय फेनायखौ फोरमायनाने बेनि गेजेरजोंनो हारिमायारि थाखोआव आवगायलांनो खाबु मोन्नायखौ फोरमायदों।

## निरज चप्राआ टेनिस गेलेगिरिजों जुलिनि रादाइ खाबाय



सोलोंसालिआव स्पर्टस मेनेजमेन्ट (मेजर) फ्राययासिनो दड। अल इन्डिया टेनिस एस'सिएसननि बादिब्ला, हिमानीनि केरियारनि बरयनिखुइ साबसिन हायुडरि रेंकिं आ 2018 आव थिसनजादों। जेराव बिथाडा सिंगेल्सआव 42 आरों जावजाआव 27 रेंक मोन्नो हादोंमोन। बिथाडा 2018 आवल'एआइटिए इभेन्टफोरव बाहागो लादोंमोन। खौरनि बादिब्ला, बिथाडा एमसिएनि सासे सोलोंसा महरे 2019 निफ्राय 2022 सिम गावनि रेंगथिखौ सुद्रायबोदों। जेराव बेनि थाखाय बिथाडा टेनिस स्क्लारसिपबो मोन्दोंमोन। गुबुन फार्से निरज चप्राआ चेक रिपब्लिकआव गावनि गोदान कच जान जेलेस्नि दैदेनायाव सोलोंथाय लागसिनो दड।

गोदान दिल्ली, 20 जानुवारी: भारतनि गंनै अलिम्पिक मेडलिस्ट आरों 2023 नि वर्ल्ड सेम्पियन निरज चप्राआ साननेसो सिगां मोनसे गावयारि फोबोंआव हिमानी मीरजों जुलिनि रादाइ खाबाय। हरियाना सनिपथनि थागिरि निरज चप्राआ ससेल मिडिया हेन्डलआव 25 बोसोर बैसोनि हिमानीजों जुलिनि रादाइ होनायखौ फोसावदों। अलिम्पिक गल्ड मेडलिस्ट भारतनि सासेल'ट्रेक एन्ड फिल्ड एथलीट निरजआ

एक्सआव गावसोरनि जुलि जागोनखौ फोसावनायजों लोगोसे गावसोरनि सावगारिफोरखौ शेयार खालामदों। बिथाडा गावनि फोसावलाइआव नख'रनि बोरजों गावनि गोदान जिडनि लामा जुरिनयखौ फोरमायदों। लोगोसे बे बुक्लिआव गावसोरखौ ज'लाबोनायनि थाखाय गासैबो मोजां हास्थायगिरिफोरनिसिम साबायख'र बाउयो। मीरआ आथिखालाव निडहेम्सायरनि प्रेंकलिनि पियरसर् मुलुग



गोदान दिल्ली, 20 जानुवारी: भारतीय ग्रेन्ड मास्टर आर प्रज्ञानन्दआ समान रेंकिं हरिकृष्णखौ फेजेन्दों। गुबुन फार्से अर्जुन एरिगेसिआ टाट स्टील चस दुर्नामेन्टनि नैथि राउन्डआव इजोंनो गोजेनादों। बेनि सिगां बावैसो सान सिगां खेल रत्न बान्थाजों मान

हेजानाय वर्ल्ड सेम्पियन गुकेशआ रसिया फोलेरनि ब्लादिमीर पेदसिभजों इ गेलेदों। गुबुन फार्से लियन ल्युकआ उज्वेकिस्ताननि नदिरबेक आब्दुसतारभखौ फेजेनो। 19 बोसोर बैसोनि प्रज्ञानन्दआ डिफेन्स आरों फिन्याय गाम्लोबनायाव मोजाडै

## प्रशन्न कुमार शर्मा टेनिस दुर्नामेन्टआ जाफुंसारे जोबलांबाय



गुवाहाटी, 20 जानुवारी: प्रशन्न कुमार शर्मा मेम'रिएल अल आसाम भेटेरान्स डबल्स टेनिस दुर्नामेन्टआ नर्थ-इस्ट टेनिस फाउन्डेसन कर्टआव

जाफुंसारे जोबलांबाय। हौवाफोरनि सिंगेल्सनि फाइनालआव जौसिन मासि मोन्नाय चेक इफ्टिकारआ उजित गौखौ 6-0, 6-3 स्करआव थोंजों सेटआव फेजेन्दों। गुबुन फार्से आइजोफोरनि सिंगेल्सनि बिमुनि बादायनायाव जौसिन मासि मोन्नाय जास्टिना बराहाइआ नैथि मासि मोन्नाय इभा राज शाहजों 1-3, 3-6 स्करआव जेन्नाडो। बान्था रान्नाय हाबाफारिआव एनइटीएफनि ट्रास्टी रन्जित सलिहा आरों आइजिपि (आइन आरों आबुथि) अखिलेश सिंहआ बान्थाखौ गथायनाने होयो। हौवाफोरनि जावजाआव चेक इफ्टिकार महम्मद आरों उदित गौआ रियान काश्यप आरों अन्सित गौखौ 6-0, 6-4 स्करआव फेजेन्दों। जेराव हिन्जावफोरनि डबल्स केटेगिआव रानि कौर आरों पि कामाख्याआ सन्सिता शर्मा आरों सुजाता शर्मानि जराखौ फेजेन्नों हायो।

## मुलुगनि नम्बर 1 गेलेगिरि यानिक सिनारआ हल्गार रुनेखौ फेजेन्दों

मेलबर्न, 20 जानुवारी: इटालीनि मुंदांखा गेलेगिरि यानिक सिनार आरों डेनमार्कनि हल्गार रुनेनि गेजेराव 32 डिग्री सेल्सियस दुंथायाव गोखौडै बादायलायनाय नुनो मोन्दों। जेराव अस्ट्रेलियान अपेननि बे मेचखौ दुंथायनि थाखाय मेडिकेल टाइमआउट लानानाय उनाव सिनारआ गावनि गोखौ सार्थिसखौ लाखिनाने देहानाय थिसन्दों। बारग' सेम्पियन सिनारआ 13 थि रेंकिं रुनेखौ 6-3, 3-6, 6-3, 6-2 स्करआव फेजेन्नाने क्वार्टर फाइनालाव सौहेबाय। मुलुगनि नम्बर 1 गेलेगिरि सिनारआ मेचनि समाव दुंथायखौ दानगारनो थाखाय बे समाव मोजां आरों गोदोनायाव गोबां खेब दै होदोंमोन। थामथि सेटआव 10 मिनिटनिफ्राय बांसिन बन्द खालामथ'नायनि उनाव बिथाडा लकार रुमआव मेडिकेल मददनि थाखाय थानों। बे खेबआव सिनारआ 8 थि रेंकिं अस्ट्रेलियानि एलेक्स डि मिनर एबा आमेरिकानि रेंकिं गैजायै एलेक्स मिसेल्सनजों सेलेन्जआव ओखारगोन। गुबुन मोनसे क्वार्टर फाइनालनि सेलेन्जआव



नभाक जकभिचआ कार्लस अल्कारेजजों आरों आलेक्जेन्डर

ज्वेरेभआ टमी पलजों सेलेन्जआव ओंखारगोन।

## भारतआ अलिम्पिक 2036 खौ खुंफुनो बिथांखि थियारि खालामदों

गोदान दिल्ली, 20 जानुवारी: मिरु गेलेमु आरों लाइमोन जौगाखां बिफाननि मन्थि मान्खुख मान्दभियाआ 2036 नि अलिम्पिकखौ बान्जायनो थाखाय गेलेमुनि फोथारआव जौगाहोनायनि थाखाय मोनसे गोखौ बिथांखि थियारि खालामनायखौ फोरमायदों। बिथाडा राइज्योफोरनि गिबि फीट इन्डिया क्लाबखौ लन्ड खालामनो थाखाय खुंफुनाय हाबाफारिआव बाहागो लादों। जेराव गिबि मन्थि महन यादवआबो बाहागो लादों। मन्थि मान्दभियाआ गाहाइ मन्थि मदिनि 2036 आव अलिम्पिकखौ बान्जायनो खोथा होनायखौ फोरमायनाने बिथांखि



हादरखौ फेगौ 10 बोसोरनि गेजेराव हरिमायारि गेलेमुनि फोथारआव 1-10 रेंकिं गेजेराव जायगा मोनहोनो नोजोर लाखिनायखौ फोरमायदों। बे समाव गेलेमु मन्थिआ बेबादि थांथिखौ मोनफुंनो थाखाय

गावसोरनि मोनसो गोखौ बिथांखि थियारि खालामनायखौ फोरमायदों। जेराव 9-15 बोसोर बैसोनि लाइमोनफोरखौ खेल' इन्डिया स्कुल गेम्सनि गेजेरजों बिसोरनि रोंगथिखौ

दिहुन्नायनि बिथांखि लानायखौ फोरमायो। बे समाव बिथाडा लाइमोनफोरखौ अलिम्पिकसिम सौहेनायनि थाखाय गावसोरनि गोखौ थियारि बिथांखि लानायखौ फोरमायदों।

## सेम्पियन्स ट्रफीनि थाखाय भारतआ अक्टखौ सोलायनो हागौ

गोदान दिल्ली, 20 जानुवारी: सेम्पियन्स ट्रफी 2025 नि थाखाय भारतनि हान्जाखौ फोसावबाय। बे खेबआव दुर्नामेन्टआव गासै मोन 8 हान्जाफोरा बाहागो लागोन। बेनि गेजेराव मोन 7 हान्जाफोरनि स्क्वाडआ सोराडाव फेबाय। नाथाय पाकिस्ताननि हान्जाया बेनि थाखाय दासिमबो गेलेगिरिफोरनि फारिलाइखौ फोसावखे। गासै मोन 7 हान्जाफोरनि सावगारिआ सोराडाव फेदोंब्लाबो बे हान्जाफोरा गावसोरनि हान्जायाव सोलायनाय लाबोनो खाबु मोनगोन।



आइसिसिनिफ्राय बेनि अक्टखौ सिगाडवनो थि खालामनाने होदों। थामहिनबा सेम्पियन्स

ट्रफीनि थाखाय भारतनि हान्जायाव सायख'जायै गेलेगिरिआबो फिन खाबु

मोनफिन्नो हागौ। आइसिसिआ 12 जानुवारिसिमनि गेजेरावनो

गासैबो हान्जाफोरनिसिम फारिलाइखौ फोसावनो सम होदों। नाथाय भारत आरों

पाकिस्ताननि हान्जाया थानाय 12 जानुवारिसिमआव हान्जानि फारिलाइखौ फोसावखेमोन। मख'नाय जायोदि, भारतनि हान्जायाव सा 15 गेलेगिरिफोरखौ सायख'नाय जादों। सेम्पियन्स ट्रफीनि गिबि बादायनाया फेगौ 19 फेब्रुवारिआव जागोन। बेनि थाखाय आइसिसिआ हान्जाफोरनि बादायगोन फारिलाइखौ दासिमबो थि अक्ट खानाने होयाखे। बेनि थाखाय 12 फेब्रुवारिनि सप्ताहसे सिगांसो थि खालामनाय जागोन। जाउनाव हान्जाफोरा गावसोरनि खाबु बादियै सोलायनायखौ लाबोनो

हागोन। बिंसिसिआइआ भारतनि हान्जायाव गोखौ गेलेगिरिफोरखौ खाबु होदों। नाथाय जशप्रीत भुमराह आरों महम्मद शामीनि खाबु मोन्नायखौ लानाने माखासे सोंथि सिखांदों। मानोना भुमराहआ सोलिफउ समावबो मोजां फीटआव गैया। बेराफार्से शामीआबो जोखेमजों गोलाव सम बारहोबोनायनि उनावसो हान्जायाव सायख'जादों। भुमराहखौ इलेन्डनि हेथायै जानो गोनां सिरिजनि थाखायबो सायख'नाय जायाखे। शामीखौ बे सिरिजआव गेलेहोनाने बिथानि फीटनेसखौ आन्जाद नायगोन।